

– telegram grupa-

# Mjesec Kur'ana

(indeksi sura)

- Ramazan 1442. h. god /2021. god.-

Privedio hfz. mr. Kerim Prepoljac

# 1. Sura El Fatiha

## ➤ Vrijednost sure:

Prenosi se od Allahovog Poslanika sallallahu alejhi we sellem da je rekao ashabu Ebu Seid ibn Mualla'u: "Podučit ću te suri koja je najveličanstvenija sura u Kur'anu. Zahvala pripada Gospodaru svih svjetova (*Elhamdulillah rabbi-l'alemin*), to su sedam ajeta koji se ponavljaju i veličanstveni Kur'an koji mi je dat." (Bilježi ga El-Buhari)

## ➤ Imena sure:

Sura El-Fatiha ima preko 20 imena, kako to spominje imam Es-Sujuti u djelu *El-Itqan*. Neka od imena ove sure su:

**El-Fatiha** - Ona koja otvara, jer Kur'an počinje surom El-Fatiha

**Ummul'Kitab** - Majka Knjige, jer sadrži glavne intencije vjere

**Es-Seb'ul'Mesani** - Sedam ajeta koji se ponavljaju, tj. koji se uče na svakom rek'atu u namazu

## ➤ Intencije sure:

**Glavna intencija sure:** Određivanje osnova vjere

## ➤ Teme sure:

**Teme spomenute u suri:** Sura spominje tri teme u sebi:

- **Vjerovanje**, tj. spoznaja Allaha koja se ogleda u monoteizmu u tri stvari:

1. Allah je jedini Gospodar
2. Allah ima savršena svojstva i najljepša imena
3. Samo se Allahu smije ibadet (obredoslovlje) činiti

- **Ibadet**, tj. djela robova se smiju usmjeravati isključivo Allahu i svako djelo, koje je radi nekog mimo Allaha, ništavno je. U suri Uzvišeni Allah također spominje i primjer jednog ibadeta, ibadeta dove: "*Uputi nas na pravi put*". I ne samo to, već nas podučava na koji način je najbolje dobiti, a to je nakon zahvale Uzvišenom Allahu, što možemo primjetiti u prvim ajetima sure gdje Uzvišeni hvali Sebe.

- **Menhedž** (metodologija) - jedini ispravni put je put koji je jedinstvo znanja i rada po znanju. Zato na kraju El-Fatihe Uzvišeni spominje opis pravog puta pa kaže: Ne na put onih koji su izazvali Tvoju srdžbu (jevreji i svi oni koji ne rade po znanju) i ne na put onih koji su zalutali (hrišćani i svi oni koji rade bez znanja). Shodno tome, pravi put je put koji se razlikuje od ova dva puta tj. put koji je jedinstvo znanja i rada. To je menhedž ove vjere.

### ➤ **Povezanost imena sure sa intencijom i temama:**

Sura obuhvata osnove ove vjere od vjerovanja, ibadeta i menhedža, govori o svojstvima Onoga koji objavljuje Kur'an i koje su intencije ove vjere i Kur'ana. Zbog svega toga, sura nosi naziv El-Fatiha (Sura koja otvara), jer daje rezime vjere i sažetak Kur'anskih intencija, pa biva kao prag koji nas uvodi u ispravno razumjevanje temelja vjere.

### ➤ **Povezanost sa susednim surama:**

U suri El-Fatiha Uzvišeni Allah spominje dovu u kojoj vjernici traže uputu od Allaha, da bi odgovor na pitanje gdje je uputa uslijedio u sledećoj suri, na čijem početku kaže Plemeniti: "*Ovo je Knjiga, nema nikakve sumnje u nju, ona je uputa onima koji su bogobojažni.*"

Također, na kraju sure El-Fatiha Allah spominje dve zalutale skupine ljudi, jevreje i hrišćane, da bi u sledeće dvije sure detaljno razložio razloge njihovog skretanja sa pravog puta, posvetivši prvu govoru o jevrejima (El-Beqara) a drugu o hrišćanima (Ali Imran) koje su ujedno dvije najduže sure Kur'ana.

## 2. Sura El-Beqara

### ➤ Vrijednost sure:

Prenosi se od Ebu Umame El-Bahilija, radijallahu anhu, da je Vjerovjesnik, sallallahu alejhi we sellem, rekao: "Učite Kur'an, jer će on, uistinu, doći na Sudnjem danu kao šefadžija za one koji su ga učili. Učite dvije svjetiljke: El-Beqara i suru Ali Imran, jer će doći na Sudnjem danu poput dva oblaka koja prave hlad, ili poput dva jata ptica raširenih krila, i zauzimat će se za njihovog učača. Učite suru El-Beqara. Njeno učenje i rad po njoj je bereket, njeno ostavljanje je tuga, a sihirbazi je ne podnose." (Bilježi ga Muslim)

Opaska: Dolazak sure El-Beqara i Ali Imran je zapravo dolazak dobrih djela učenja ove dvije sure.

### ➤ Imena sure:

**El-Beqara** - krava, zbog kazivanja o jevrejima kojima je naređeno zaklati kravu

**Ez-Zehra'** - svjetiljka, jer osvjetljava put upute na dunjaluku i ahiretu

**Es-Senam** - najuzvišeniji deo nečega, nazvana je ovim imenom jer pojašnjava detaljno šerijatske propise pa je najuzvišeniji deo Kur'ana

**El-Fustat** - šator, obično se koristi za šator vojskovođe, nazvana je tako jer u sebi sadrži je centar naredbi i uputa, poput šatora vojskovođe

### ➤ Intencije sure:

**Glavna intencija sure:** Menhedž Allahovog hilafeta na zemlji između onih koji su ga pronevjerili i onih koji su ga ispunili

## ➤ **Teme spomenute u suri:**

Sura ima 7 tema u sebi:

1. Uvod o svojstvima islamskog ummeta koji će preuzeti hilafet na zemlji slijedeći ono čime je Allah zadovoljan
2. Pojašnjenje vanjskog neprijatelja, otvorenih nevjernika, i unutrašnjeg neprijatelja, skrivenih nevjernika tj. licemjera.
3. Poziv robovima da se odazovu razlogu zbog kojeg su stvoreni - ibadet Uzvišenom Allahu. To je Allahov hilafet na zemlji, što je dodatno potvrđeno kazivanjem o Ademu
4. Razlozi zbog čega ljudi gube kredibilitet Allahovih namjesnika na zemlji i to preko kazivanja o jevrejima, koji nisu ispunili ono što im je Allah slao od naredbi, već su se podrugivali i zanemarivali, te upozorenje vjernicima u suri koja nosi najviše naredbi u Kur'anu da ne budu poput njih ako žele da ostanu Allahovi namjesnici na zemlji.
5. Primjer pravog prijedvodnika, onoga koji je ispunio Allahove naredbe i klonio se zabrana na najpotpuniji način, Ibrahima alejhis selam.
6. Propisi koji će osposobiti ummet da budu predvodnici ostalih ljudi, odgojiti ih duhovno i fizički i očistiti ih od primesa paganskih običaja i običaja suprotnih islamu. Upravo zato, primjećujemo da Allah spominje na preko 40 mjesta bogobojaznost u ovoj suri u raznim jezičkim oblicima.
7. Zaključak sure koji potvrđuje prethodno spomenuto u posljednja tri ajeta sure, uz podudarnost početka i kraja sure (odlika Kur'anskih sura jeste povezanost početka i kraja). Početak sure govori o svojstvima bogobojaznih, ukazujući da je prvo, najbitnije svojstvo - vjerovanje u ono što je nedokučivo (El-Gajb). Razlog tome jeste što vjerovanje u gajb izgarađuje svijest o Allahovom nadzoru, o nagradi na ahiretu, o postojanju apsolutne pravde na drugom svijetu. Sve ovo odgaja čovjeka kako da se najispravnije ophodi prema dunjaluku i kako da bude halifa. Na kraju sure primjećujemo isti motiv. Uzvišeni opisuje šta sve obuhvata islamsko vjerovanje, ponovo uz spomen gajba.

## ➤ **Povezanost imena sure sa intencijom i temama:**

Najveća opasnost za vjernika da izgubi namjesništvo na zemlji jeste olahko ophođenje prema Allahovim propisima i podsmijavanje sa istim. Upravo zato, naziv sure se potpuno uklapa u tematiku. Nemojte, o muslimani, biti poput onih kojima je naređeno klanje krave, pa, umjesto da to odmah izvrše, počeli su omalovažavati njihovog poslanika i dodatno cjepidlačiti pitanjima, što je dovelo do toga da im se srca stvrdu i da su gora od kamena.

Savjet: tokom čitanja tefsira obratiti pažnju na glavnu intenciju sure i teme koje se javljaju i motive koje smo spomenuli (bogobožnost, hilafet, propisi). To će dodatno olakšati razumjevanje tefsira sure.

## Vrijednost Ajetu'l-Kursijj

Prenosi se u hadisu Ubejj ibn Ka'ba da je Allahov Poslanik, sallallahu alejhi we sellem, rekao po pitanju ajetu'l-Kursijj: *"Najbolji ajet u Allahovog knjizi."* (Hadis bilježi Muslim)

## Vrijednost poslednja dva ajeta sure El-Beqara

Abdullah ibn Mes'ud prenosi da je Allahov Poslanik, sallallahu alejhi we sellem, rekao: *"Ko prouči dva ajeta sa kraja sure El-Beqara u noći bit će mu dovoljna."*(Buhari)

Kaže ibn Hadžer u komentaru hadisa: *"Bit će mu dovoljna kao zaštita od zla ljudi i džinna, dovoljna kao noćni namaz, dovoljna nagrada."*

# 3. Sura Ali Imran

## ➤ Vrijednost sure:

(hadis spomenut o vrijednosti sure El-Beqara)

## ➤ Imena sure:

**Ali Imran** - Imranova porodica, nazvana je tim imenom jer ova porodica predstavlja simbol ustrajnosti i postojanja na Allahovoj vjeri

**Ez-Zehra'** - svjetiljka, jer osvjetljava put upute na dunjaluku i ahiretu

## ➤ Intencije sure:

**Glavna intencija sure:** čvrstina i ustrajnost na Allahovom putu

## ➤ Teme sure:

Sura ima **dvije cjeline** su sebi:

1. Pojašnjavanje načina kako biti postojan na vjeri u suočavanju sa vanjskim idejama, što se ogleda u dijalogu između Vjerovjesnika, sallallahu alejhi we sellem, i delegacije hrišćana Nedžrana.

2. Pojašnjavanje načina kako biti postojan na vjeri u suočavanju sa unutrašnjim neprijateljima, što se ogleda u borbi na Uhudu i događajima koji se vezuju za nju.

Obje cjeline su fokusirane na ustrajnost na Allahovom putu, i to kroz zajedničke motive koji se javljaju u obje cjeline:

- Ne oslanjanje na osobe, i stavljanje akcenta na ideal, cilj i menhedž

U prvoj sjelini, nakon uzdizanja Isa'a alejhisselam, hrišćani su upali u fitnu i zalutali

U drugoj cjelini, kada se proširila vijest o smrti Allahovog Poslanika, sallallahu alejhi we sellem, umalo su muslimani upali u fitnu i iskušenje

- Obaveznost i bitnost povinovanja i slijeđenja poslanika

U prvoj cjelini gdje Isa traži pomoćnike (52. ajet)

U drugoj, gdje Allah odgaja vjernike nakon gubitaka da ne klonu i da ustraju ka idealima ove vjere (146. i 153. ajet)

### ➤ **Sura u sebi sadrži sredstva koja daju stabilnost i ustrajnost na vjeri i to:**

- Pridržavanje za Kur'an i sunnet
- Bogobožnost
- Držanje džemata
- Naređivanje na dobro i odvratanje od zla
- Napuštanje razilaženja u vjeri

### ➤ **Povezanost imena sure sa intencijom i tematikama:**

Imranova (Merjemin otac) porodica jeste motiv koji povezuje obje cjeline ove sure, gdje u prvoj cjelini odgovara na zablude po pitanju ove porodice i osobe oko koje se vrši najviša polemika na svijetu - Ise, alejhis selam.

Sa druge strane, povezuje drugu cjelinu, jer je simbol pridržavanja za vjeru i ustrajnosti na Allahovom putu.

### ➤ **Povezanost početka i kraja sure:**

Sura na početku spominje dovu Allahu da ne dozvoli srcima da skrenu nakon upute, da bi se završila naredbom vjernicima da saburaju, međusobno preporučuju strpljenje, bdiju na Allahovom putu i da se boje Allaha - gdje jasno vidimo motiv ustrajnosti i postojanosti na Allahovom putu

Savjet: prilikom čitanja obratiti pažnju na glavnu intenciju sure, sredstva ustrajnosti i postojanosti, kao i motiv Allahovog odabira jednih robova nad drugim.



## Vrijednost poslednjih 10 ajeta sure Ali Imran

Prenosi ibn Hibban da je Bilal jedne prilike došao Allahovom Poslaniku, sallallahu alejhi we sellem, da ga obavijesti o sabah namazu, pa ga je vidio kako plače. Reče mu: *"Šta te je to rasplakalo, Allahov Poslaniče? Tebi je oprošteno ono što si uradio i ono što ćeš uraditi!"* "Teško tebi, Bilale!" reče Allahov Poslanik, sallallahu alejhu we sellem. Šta me sprečava da plačem, a Allah mi je ove noći objavio ove ajete: *"Uistinu u stvaranju nebesa i zemlje i promjeni dana i noći su jasni dokazi onima koji su razumom obdareni"*, pa ih je proučio do kraja sure. Zatim reče: *"Teško onome koji ih pročita, a ne razmisli o njima!"*

Fajda: Sunnet je proučiti ove ajete nakon ustajanja, kako se to prenosi od ibn Abbasa, kod Buharije i Muslima, da bi Poslanik, sallallahu alejhi we sellem, učio ove ajete kada bi se probudio.

# 4. Sura En-Nisa

## ➤ Vrijednost sure:

Prenosi majka vjernika, Aiša, radijallahu anha, da je Allahov Poslanik, sallallahu alejhi we sellem, rekao: *"Ko uzme sedam dugih sura on je učenjak."* (Bilježi ga Ahmed)

## ➤ Komentar:

- pod uzimanjem se smatra učenje napamet, razmišljanje (tedebbur), stalno ponavljanje i rad po njima

- sedam dugih sura su: El-Beqara, Ali Imran, En-Nisa, El-Maideh, El-En'am, El-A'raf, Et-Teubeh

## ➤ Imena sure:

**En-Nisa** - žene, i nazvana je tim imenom jer govori o propisima i pravima potlačenog dijela društva u tom vremenu - ženama

**En-Nisau'l-Kubra** - veća sura o ženama, jer učenjaci nazivaju suru Et-Talaq - En-Nisau's-Sugra tj. manja sura En-Nisa, jer je manja po broju ajeta i propisa od sure En-Nisa

## ➤ Intencije sure:

Glavna intencija sure: Uspostavljanje unutrašnjeg uređenja muslimanskog društva čuvanjem međuljudskih prava, naročito prava potlačenih poput žena, jetima i slabih, te uklanjanje primesa paganskih običaja u međuljudskim pravima.

## ➤ Teme sure:

Suru možemo podijeliti u 4 kategorije:

1. Uvod koji sadrži poziv u bogobožnost, dobročinstvo i pravdu u pogledu potlačenih u društvu. U uvodu možemo primjetiti kako Uzvišeni počinje sa jezgrom društva - porodicom. Ispravno izgrađena porodica znači ispravno izgrađeno društvo.

2. Detaljno pojašnjenje nekih društveno-materijalnih propisa koji se tiču žena poput: mehra, naslijedstva, zinaluka i slično.
3. Poziv u ostvarenje pravde i dobročinstva u muslimanskom društvu, naročito u pogledu žena.
4. Upozoravanje na unutrašnjeg (licemjera) i spoljašnjeg (kafira) neprijatelja.

### ➤ **Povezanost imena sa intencijama i temama:**

Nakom izloženih tema i intencije jasno se vidi mudrost nazivanja ove sure imenom En-Nisa.

### ➤ **Povezanost početka i kraja sure:**

Kao što je sura počela propisima o imetku jetima i žena, završava se propisom vezanim za imetak - kelalom. Na taj način vidimo da se naslijedno pravo prožima kroz cijelu suru: na početku, sredini i na kraju sure, što stavlja poseban akcenat na njegovu bitnost u muslimanskom društvu.

Također, Uzvišeni Allah započinje suru govorom o Njegovoj moći i stvaranju, da bi je završio svojstvom apsolutnog znanja. Ova dva svojstva su međusobno povezana, gdje apsolutno znanje ukazuje i upućuje na apsolutnu moć. Onaj koji ima apsolutno znanje - apsolutno je kadar da uradi sve. Ova dva Allahova svojstva potvrđuju Allahov rububijjet, uluhijjet i veličanstvenost, pa ih Allah spominje na početku i na kraju kao vid naredbe robovima da primjene ono što im naređuje u ovoj suri i da mu se pokore.

Uz to, kraj prvog ajeta ukazuje na Allahov nadzor, što se poklapa sa završetkom sure Allahovim svojstvom apsolutnog znanja.

### ➤ **Povezanost sa susednim surama:**

Sura Ali Imran se završava riječima: Bojte se Allaha kako biste uspjeli, dok sura En-Nisa počinje riječima: O ljudi, bojte se vašeg Gospodara. Sura En-Nisa započinje govor o ugovorima, poput bračnog, zakletvi, davanja Eman (sigurnosti), da bi se govor o propisima i ugovorima nastavio u suri El-Maide, što Allah spominje u prvom ajetu sure.

# 5. Sura El-Maideh

## ➤ Vrijednost sure:

Prethodno spomenut hadis o 7 dugih sura

## ➤ Imena sure:

**El-Maideh** - trpeza. Nazvana je tim imenom zbog kazivanja o apostolima koji su tražili trpezu sa nebesa.

**El-Uqud** - ugovori. Nazvana je tim imenom zbog naredbe o ispunjavanju ugovora na početku sure

**El-Ahjar** - najbolji. Nazvana je tim imenom jer podstiče na ispunjavanje ugovora, što je vrлина najboljih.

## ➤ Intencije sure:

**Glavna intencija sure:** poziv u očuvanje i ispunjavanje ugovora između vjernika i Allaha.

## ➤ Teme sure:

Suru možemo podijeliti u 3 cjeline:

1. Uvod u kojem Uzvišeni Allah naređuje vjernicima izvršavanje ugovora između njih i Njega, što se ogleda u nizu šerijatskih propisa i odgojnih smjernica
2. Obaveznost razlikovanja od jevreja, hrišćana i pagana po pitanju ugovora, jer su spomenuti prekršili njihove ugovore
3. Zaključak koji potvrđuje spomenuto kroz kazivanje o trpezi

### ➤ **Povezanosti imena sure sa intencijom i temama:**

Sura govori o ugovorima i obaveznosti izvršavanja istih. Simbol ugovora sa Allahom predstavlja kazivanje o apostolima koji su tražili trpezu, kao mu'džizu, što bi iziskivalo njihov iman i povinovanje šerijatskim zakonima i propisima, pa je poput ugovora.

### ➤ **Povezanost početka i kraja sure:**

Sura na početku spominje narednu o ispunjavanju ugovora, da bi se završila opisima Allahove apsolutne vladavine nad svim stvorenjima - nebesima, zemljom i onim što je na njima, i opisima apsolutne moći. Onaj koji svime vlada i koji ima savršenu moć, ima pravo da naredi, zabrani i ugovor sa Njim jeste ugovor koji je obavezan zbog Njegove veličanstvenosti, i ugovor sa Njim je jedini ugovor od kojeg stvorenje može imati koristi.

## 6. Sura El-En'am

### ➤ Vrijednost sure:

hadis o 7 dugih sura koji je prethodio

### ➤ Imena sure:

**El-En'am** - stoka

**El-Hudždžeh** - dokaz, zbog mnoštva dokaza o Allahovoj jednoći i uspostavljanja dokaza protiv nevjernika

### ➤ Intencije sure:

**Glavna intencija sure:** Allahov teuhid (jednoća) i ostavljanje širka vjerovanjem i djelima

### ➤ Teme sure:

Sura sadrži 5 tema:

1. Uvod u kojem Uzvišeni spominje kosmičke i kur'anske dokaze koji ukazuju na Njegovu jednoću. U uvodu Uzvišeni govori o stvaranju nebesa, zemlje, svjetla i tmina, anulirajući time sva druga božanstva, jer sva božanstva, mimo Njega, su ili na zemlji (kipovi, pobožni ljudi), ili na nebesima (meleci) i anulira obožavanje svjetla i tame, što je bila vjera Manikejaca. Ako je Allah stvorio ova stvorenja, onda jedino On zaslužuje da bude obožavan.
2. Detaljno pojašnjenje potpune Allahove moći, apsolutnog znanja i izdvajanja u propisivanju normi.
3. Kazivanja koja potvrđuju spomenuto (kazivanje o Ibrahimu, alejhis selam), i stanje onih ugone islam u laž.
4. Detaljno pojašnjenje i pobijanje laži koje mušrici iznose po pitanju Allahovih propisa, posebno po pitanju propisa o stoci, slijedeći time strasti i zabludu.
5. Zaključak kao pečat na sbe prethodno spomenuto.

## ➤ **Povezanost imena sure sa intencijama:**

Pošto intencija sure biva pobijanje svih lažnih božanstava i iskrivljenih propisa kosmičkim, razumskim i kur'anskim ajetima, sura nosi naziv "stoka" zbog velike uloge stoke u svakodnevnom životu arapa. Velika ljubav prema stoci ih je natjerala da je uključe u svoje obrede, kao sastavni dio vjere, kao što ih je natjerala na formiranje posebnih propisa vezanih za stoku, o kojima Allah nikakav dokaz nije objavio. Pobijanje iz korijena nečega za šta su nevjernička srca najviše vezana je adekvatan motiv za naziv sure tim imenom, a Allah najbolje zna.

Drugi naziv sure jeste El-Hudždžeh tj. dokaz. Ovdje ćemo samo iskoristiti priliku da ukažemo na bitnu jednu stvar. Najbolji razumski dokazi su oni koji su spomenuti u Kur'anu. Uzvišeni Allah zna način na koji razmišlja čovjek, On ga je stvorio, samim tim, racionalni dokazi koje spominje Allah u Kur'anu su najjači stepen racionalnih dokaza. Na nama je samo da detaljno obratimo pažnju i da ih naučimo. Većina ljudi traži razumske dokaze na drugim mjestima, često traže racionalne dokaze i kod nevjernika, a zapostavljaju razumske dokaze koji su istina sa svakog aspekta, jer Kur'anu ne prilazi neistina ni sa koje strane. Ova sura je jedan od izvora razumskih dokaza, na nama je samo da malo više izučavamo Allahov govor.

## ➤ **Povezanost početka i kraja sure:**

Jedan od motiva sure jeste riječ *يعدلون* tj. izjednačavanje, misleći se time na nevjernike koji izjednačavaju njihova božanstva sa Allahom. Ovaj motiv se ponavlja kroz cijelu suru do njenog kraja i sastavni je dio glavne intencije, kako možemo jasno vidjeti u tefsiru imama Taberija, koji usmjerava značenja ajeta ka ovom upečatljivom motivu.

Na početku Allah opisuje Njegovu apsolutnu vladavinu, stvaranje i da to ukazuje da je On jedini koji zaslužuje biti obožavan, ali nevjernici, uprkos tome, izjednačavaju druge sa njim. Na kraju sure Uzvišeni spominje isti motiv riječima:

*Reci: "Zar da za Gospodara tražim nekog drugog osim Allaha kad je On Gospodar svega?!"*

Tj. kako, nakon svega spomenutog, da izjednačim druge sa Njim, a On je gospodar svega, i mene i njih i vas.

Na ovaj način početak sure se uklapa sa krajem na potpuni stilistički način. A Allah najbolje zna.

# 7. Sura El-A'raf

## ➤ Vrijednost sure:

Prethodno spomenut hadis o 7 dugih sura

## ➤ Imena sure:

**El-A'raf** - bedemi, zbog spominjanja bedema na kojima će biti oni koji imaju isti broj dobrih djela i loših

**El-Miqat** - tačno određeno vrijeme, zbog kazivanja o Musi i vremenu kada je razgovarao sa Allahom

**El-Misak** - ugovor, zbog spominjanja ugovora između Allaha i sinova Ademovih

## ➤ Intencije sure:

Glavna intencija sure: upozorenje onome koji se okrene od onoga u šta poziva prethodna sura kroz prizmu sukoba između imana i kufra i konačnice (propasti) prijašnjih naroda koji su se okrenuli od objave i ostali u nevjerstvu.

## ➤ Teme sure:

Sura sadrži 4 teme:

1. Uvod koji sadrži poziv u vjerovanje i upozorava na obračun na Sudnjem danu.
2. Sukob između imana i kufra kroz kazivanje o prijašnjim poslanicima, alejhimus selam, i konačnicu vjernika i nevjernika.
3. Racionalni dokazi koji potvrđuju teuhid i upozoravaju na kufr kroz kazivanje o zavjetu koji je uzetom od sinova Ademovih, kazivanje o onome koji je odbacio Allahove ajete, kroz razmišljanje o stvaranju nebesa i zemlje, kroz stanja onih koji pridružuju Allahu partnere u onome čime ih Allah opskrbljuje od potomstva.
4. Zaključak koji povezuje i potvrđuje prethodno spomehuto.



### ➤ **Povezanost imena sure sa intencijama:**

Pošto je glavna intencija sure sukob između imana ( koji vodi ka Dzennetu) i kufra (koji vodi ka Vatri) sura biva nazvana po visokom zidu na kojem će boraviti oni čija su dobra i loša djela jednaka. Oni će gledati i skupinu imana, priželjkujući da budu sa njima u Dzennetu, i skupinu kufra, strahujući da ne završe sa njima. Na ovaj način se ime sure potpuno uklapa sa intencijom, uz išaret onima koji čitaju suru, koji su poput ljudi na El-A'rafu gdje imaju uvid i na skupinu imana i skupinu kufra da upotrebe svoj razum i da izaberu kojoj će skupini pripasti. A Allah najbolje zna.

### ➤ **Povezanost početka i kraja sure:**

Na početku sure Uzvišeni obavještava Poslanika, sallallahu alejhi we sellem, da zbog Kur'ana ne treba osjećati u prsima tegobu. Na kraju sure Allah pojašnjava zašto je Kur'an objavljen:

*"Ovo su jasni dokazi od Gospodara vašeg i uputa i milost za ljude koji vjeruju."*

### ➤ **Povezanost sa prethodnom surom:**

Sura El-En'am poziva u Teuhid jasnim dokazima, dok sura El-A'raf upozorava sve one koji se okrenu od jasnih Kur'anskih dokaza da ne završe kao prethodni narodi.

## 8. Sura El-Enfal

### ➤ **Imena sure:**

**El-Enfal** - ratni plijen, zbog ratnog plijena kojeg su muslimani dobili na Bedru

**Bedr** - jer govori o Bedru

**El-Kital** - borba, jer govori o prvoj borbi u islamu

**El-Furqan** - ona koja radvaja istinu od neistine, jer je Allah nazvao dan Bedra danom Furqana

### ➤ **Intencije sure:**

**Glavna intencija sure:** duševno i materijalno odgajanje vjernika za džihad

### ➤ **Teme sure:**

Sura sadrži 3 teme:

1. Uvod koji sadrži propis o ratnom plijenu, što je konačnica borbe. Nakon ratnog plijena Allah spominje svojstva pravih vjernika, ukazujući time da su oni sposobni ponijeti emanet uzdizanja Allahove riječi, te da ih nikako ono što je prolazno, a to je ratni plijen ne okupira od onoga što je glavni cilj, a to je uzdizanje Allahove riječi. Jedini način kako da savladaju dunjalučke porive i da važe za prave mudzahide jeste da se okite svojstvima koja Allah spominje na početku sure, nakon ratnog plijena. Od mudrosti spominjanja ratnog plijena na početku, jeste i dunjalučka nagrada onima koji se okite osobina vjernika, koja dolazi u vidu ratnog plijena.

2. Pouke i poruke bitke na Bedru

3. Zaključak koji potvrđuje prethodno

### ➤ **Povezanost imena sure sa intencijom:**

Ko da sebe u usluzi Allahove vjere, poput učesnika Bedra, neminovno će imati dunjalučki i ahiretski plijen, zato se ime sure potpuno uklapa u njen sadržaj.

### ➤ **Povezanost početka i kraja:**

Sura na početku govori o džihadu, i na kraju spominje propise džihada.

# 9. Sura Et-Teubeh

## ➤ Vrijednost sure:

Sura spada u sedam dugih sura, čiju vrijednost smo spomenuli

## ➤ Imena sure:

**Et-Teubeh** - pokajanje, zbog mnoštva ajeta koji govore i pozivaju u pokajanje

**Bera'eh** - odricanje, jer počinje ovom imenicom

**El-Muqašiqiŕeh** - ona koja odstranjuje, jer odstranjuje od njenog ućaća ŕirk i licemjerstvo

**El-Fadihah** - ona koja otkriva i objelodanjuje svojstva mukafika

## ➤ Intencije sure:

Glavna intencija sure: poziv ka pokajanju kroz prizmu obznanjivanja stanja triju skupina - odvajanjem od nevjernika, otkrivanjem munafika i odlikovanjem vjernika.

## ➤ Teme sure:

Suru možemo podijeliti u 5 tema:

1. Uvod koji poziva u odricanje i odvajanje od nevjernika
2. Odgojne smjernice vjericima uz osvrt na bitku na Hunejnu
3. Pojašnjenje djela Ehlul-Kitabija koja iziskuju teubu Allahu, poput kufra, pomeranja svetih mjeseci i dr.
4. Odgojne smjernice kroz kazivanje o Tebuku, uz spomen onih koji su izostali od borbe od vjernika, licemjera i beduina

5. Zaključak sure koji je potvrda prethodnog. Sura na kraju podsjeća da je džihad menhedž očuvanja Allahove vjere i njenog širenja. Zatim, podsjeća na dogmatsko (akidetsko) odvajanje od nevjernika, Allahovu blagodat vjernicima kojima je oprostio izostajanje od Tebuka.

### ➤ **Povezanost imena sa intencijom:**

Pošto je glavna intencija pozivanje u pokajanje, sura nosi naziv Et-Teubeh, stavljajući akcenat na trojicu koji su izostali iz pohoda na Tebuk, kojima je Allah oprostio.

### ➤ **Povezanost početka i kraja:**

Sura počinje odricanjem od mušrika, su se okrenuli od islama i time zaslužili obračun džihadom, koji je sredstvo očuvanja vjere, da bi se završila spominjanjem okretanja mušrika od islama. Na kraju sure Allah poziva vjernike u lojalnost Allahu i Njegovom poslaniku, sallallahu alejhi we sellem, kako ne bi bili poput mušrika, koji su se okrenuli od Allahove vjere, i kako ne bi bili poput munafika koji su pronevjerili odgovornost pomoći Allahovom Poslaniku, sallallahu alejhi we sellem. Na ovaj način početak i kraj sure se poklapaju na potpun način prožimanjem glavne intencije sure. A Allah najbolje zna.

### ➤ **Povezanost sa prethodnom surom:**

Sura El-Enfal govori o džihadu na Allahovom putu i odgajanju vjernika za džihad. Sura Et-Teubeh govori o onima koji su se okrenuli od puta džihada (mušrika, munafika, vjernika koji su izostali) te ukazuje da je džihad sredstvo koje će odvojiti skupinu vjernika od ostalih skupina (nevjernika i munafika).

Fajda: Sura Et-Teubeh je jedina sura koja ne počinje bismilom. Učenjaci imaju više stavova zašto je to tako. Najbliže je, a Allah najbolje zna, to što bismila u sebi ima milost, dok sura Et-Teubeh počinje sa odricanjem od mušrika, što u sebi sadrži oštrinu. To je razlog zašto bismila nije došla na početku sure Et-Teubeh po jednom stavu učenjaka.

# 10. Sura Junus

## ➤ **Imena sure:**

**Junus** - zbog kazivanja o Allahovom vjerovjesniku Junusu, alejhis selam.

## ➤ **Intencije sure:**

**Glavna intencija sure:** poziv u vjerovanje u Allaha koji spašava robove od Njegove kazne na dunjaluku i ahiretu prije isteka roka (tj. ako povjeruju), te upozoravanje na utjerivanje u laž, nemarnost i poigravanje sa Kur'anom, uz nepobitne dokaze njegove istinitosti. Uistinu, kada istekne vrijeme, onaj koji nije vjerovao izložio je sebe dunjalučkoj i ahiretskoj kazni.

## ➤ **Teme sure:**

Suru možemo podijeliti u 4 teme:

1. Uvod, u kojem Allah poziva u iman prije nego je prekasno
2. Debata sa nevjernicima uz poziv u vjerivanje prije nego bude prekasno. Ovdje nalazimo mnoštvo dokaza kojima Allah pobija nevjerničke tvrdnje
3. Dva kazivanja koja ukazuju da iman spašava od Allahove kazne i da onaj koji ne vjeruje izlaže sebe Allahovoj kazni. To je kazivanje o Nuhu i kazivanje o Musi, alejhimas selam.
4. Zaključak kao potvrda prethodno spomenutog, vraćanjem upozorenja na utjerivanje u laž Allahovih ajeta, govorom o Junusovom, alejhis selam, narodu, te podsticanjem na kosmičke dokaze (nebesa i zemlja) koji ukazuju na prirodnu vjeru čovjeka - fitru. Sura završava ajetima o Allahovim blagodatima i kazni, pozivajući u iman prije nego bude prekasno.

## ➤ **Povezanost imena sa intencijom:**

Junusov narod je narod koji je, nakon što je uvidio da će ih zadesiti Allahova kazna zbog nevjerstva, povjerovao u cjelosti, što je bio sebeb da Allah odagna kaznu od njih i da im daruje da uživaju do smrtnog časa. Ova priča je simbol koji se potpuno poklapa sa intencijom i tematikom sure, pa sura nosi ime Junus.

## ➤ **Povezanost početka i kraja:**

Sura počinje pozivom u Kur'an, da bi u poslednjem ajetu Allah ponovo naredio Svom poslaniku, sallallahu alejhi we sellem, da slijedio ono što mu se objavljuje.

# 11. Sura Hud

## ➤ **Imena sure:**

**Hud** - zbog kazivanja o Hudu alejhis selam

## ➤ **Intencije sure:**

**Glavna intencija sure:** odvajanje dobroćudne, urođene naklonosti u srcu daije od žestine u pozivu u Teuhid i ustrajnost na tome, tj. odvajanje porodičnih veza od akidetskih, imanskih veza (ljubav i naklonost u ime Allaha i mržnja i odricanje u ime Allaha)

## ➤ **Teme sure:**

Suru možemo podijeliti u 3 teme:

1. Uvod u kojem Allah opisuje stanje mušrika plemena Kurajš, koji utjeruju u laž Allahovu vjeru i poslanika, sallallahu alejhi we sellem, u kojem Allah također učvršćuje Poslanika sallallahu alejhi we sellem u misiji pozivanja u Teuhid.

Primjećujemo u uvodu opise Kur'ana, kojeg utjeruju u laž, koji jasno ukazuju da ne može biti osim od Allaha, zatim racionalne dokaze Teuhida, zatim stanje nevjernika, gdje negiraju Allahovu apsolutnu moć, i na kraju uvoda Allah učvršćuje Poslanika, sallallahu alejhi we sellem, na polju da'we smjericama da se ne obazire na laži koje nevjernici iznose i da ga ne savlada urođena naklonost prema ljudima, jer su iz njegovog naroda.

2. Kazivanja koja ukazuju na odnos prijašnjih naroda spram Teuhida. Prvo kazivanje je o Nuhovom, alejhis selam, narodu, gdje uviđamo da se ne spominje njihov širk koji su činili, već govor koji su upućivali Nuhu, vrijeđajući ga. Također, ovo kazivanje se dotiče aspekta urođene naklonosti u srcu Nuha prema njegovom sinu. Zatim imamo dominantno kazivanje u suri, kazivanje o Hudu, alejhis selam. Čitanjem kazivanja primjećujemo žestinu u da'wi, opisujući narod da izmišlja laži, da su oni koji ne razmišljaju i da su nasilnici, prijestupnici. Također, sura opisuje duboke korijene širka u srcima Hudovog naroda, Ada, gdje spominje njihovo vjerovanje da su Hudu naučila njihova božanstva. Na kraju kazivanja sura stavlja akcenat na Hudovu postojanost u da'wi, gdje ih izaziva da se svi skupe da mu naprave spletku i da ga ne odgađaju, ako su na istini. Ovdje vidimo dokaz njegovog poslanstva, alejhis selam. Zatim sura nastavlja govor o prijašnjim narodima.

3. Zaključak koji povezuje prethodno. Zaključak vraća dokaze o teuhidu, negirajući bilo koji uticaj lažnih božanstava. Zatim, naredba Poslaniku, sallallahu alejhi we sellem, da ustaje u da'wi i da ne dozvoli sebi da nagne ka mušricima zbog prirodne naklonosti prema svom narodu. Kao što je i počela, sura se završava naredbom o Teuhidu.

### ➤ **Povezanost imena sure sa intencijom:**

Dominantno kazivanje u suri jeste kazivanje o Hudu, koje se uklapa u tematiku sure. Hudov poziv u Teuhid je obuhvatio pozivanje u sreću i izobilje na dunjaluku i ahiretu, upozoravanje na kaznu na dunjaluku i ahiretu, Allahovo upravljanje i vođenje računa o svim živim bićima na zemlji, što sve ukazuje na Allahovu apsolutnu moć. Također u kazivanju vidimo odlučnost, jačinu u da'wi i nepokolebivost Huda, alejhis selam, te na koncu, izazivanje da mu sačine spletku, ako istinu govore, što predstavlja odvajanje od prirodne ljudske sklonosti ka svom narodu i davanje prednosti imanskim vezama. A Allah najbolje zna.

# 12. Sura Jusuf

## ➤ **Imena sure:**

**Jusuf** - zbog kazivanja o Jusufu, alejhis selam

## ➤ **Intencije sure:**

**Glavna intencija sure:** konačnica sabura kroz pojašnjenje apsolutnog Allahovog znanja vidljivog i nevidljivog svijeta i apsolutne Allahove moći.

## ➤ **Teme sure:**

Suru možemo podijeliti u 3 teme:

1. Uvod koji potvrđuje istinitost Poslanikove, sallallahu alejhi we sellem, misije dostavljanja poslanice njegovog Gospodara time što mu se objavljuju najljepša kazivanja, Kur'anska kazivanja.
2. Kazivanje o Jusufu u cjelosti, u kojem primjećujemo potpunu Allahovu moć i upravljanje onako kako On želi.
3. Zaključak koji potvrđuje prethodno spomenuto. Na kraju sure, Allah potvrđuje istinitost Poslanika, sallallahu alejhi we sellem, i potvrđuje Njegovu moć da je kadar olakšati Njegovom poslaniku, kao što je olakšao Jusufu.

## ➤ **Povezanost početka i kraja:**

Kao što je počela sa potvrdom istinitosti objave Poslaniku, sallallahu alejhi we sellem, sura završava sa potvrdom istinitosti Allahovih kazivanja. Sura počinje kazivanjem, završava se potvrdom istinitosti kazivanja.



## ➤ Povezanost sure i imena:

Sura Jusuf je jedina sura u kojoj je kazivanje nekog poslanika došlo u cjelosti. Kazivanja o ostalim poslanicima je došlo na više mjesta radi brojnih fajdi, a kazivanje o Jusufu je došlo na jednom mjestu, da Allah ukaže da je kadar kazivati na oba načina: na jednom mjestu u cjelosti i na različitim mjestima u djelovima koji odgovaraju tematikama samih sura. Najljepša kazivanja su dokaz istinitosti Kur'ana, a od najljepših kazivanja je kazivanje o Jusufu, koje sadrži prelazak iz obilja u oskuđu, iz iskušenja u novo iskušenje, iz iskušenja bagodati, iz poniženja u dostojanstvenost, iz ropstva u vladavinu, iz razdvajanja u okuljanje i jedinstvo, iz tuge u sreću, iz izobilja u sušu i nestašicu, iz nestašice u izobilje, iz tjeskobe u rasterećenje, iz negiranja u potvrđivanje. Sve je ovo dokaz apsolutne Allahove moći, apsolutnog Allahovog znanja, upravljanja i odredbe. Zato sura nosi naziv Jusuf, a Allah najbolje zna.

- ❖ Dosta ljudi kao razonodu bira čitanje romana, smatrajući čitanje romana psihičkim olakšanjem, razvijanjem mašte, izvlačenjem životnih pouka, jačanjem vokabulara i elokventnosti i slično. Muslimani ne smiju dopustiti sebi da daju prednost bilo kojim kazivanjima nad Kur'anskim. Allah opisuje Njegova kazivanja kao najljepša kazivanja, jer su apsolutno istinita, laž im ne prilazi ni sa koje strane, Allah ih kazuje, što znači da su na najpotpuniji način kazana. Kur'anska kazivanja su puna životnih fajdi, daju olakšanje u životnim situacijama, daju dobra djela za čitanje, jačaju iman. Zastanimo kod Kur'anskih kazivanja, vidjet ćemo istinu, nevjerovatan uvod, razradu, epilog, konačnicu. Kroz čitanje osjećamo da su narodi prolazili, i da su im se neverovatne stvari dešavale kako bi oni koji čitaju Kur'an imali apsolutno u svakoj životnoj situaciji primjer iz Kur'ana kako postupiti. Zato Omer, radijallahu anhu kaže: "Prošli su narodi, a njime smo samo mi ciljani". Tj. da poslednji ummet izvuče pouke iz prethodnih, da se naslađuju prelijepim kazivanjima poput Jusufovog, zapanjujućim poput Musinog.

Kur'ansko kazivanje je bolje od romana i filmova. Navikavajmo sebe da razmišljamo o tim kazivanjima, da ih primjenjujemo i živimo po njima. Tako ćemo razumjeti kako da se ophodimo prema dunjaluku na najbolji način. Navikavajmo našu djecu na Kur'anska kazivanja, na razmišljanje o njima. Zadajmo im zadatke o kazivanjima, poukama, mudrostima. Najbolje ono što razvija um jeste ono što je objavljeno od Onoga koji je taj um stvorio. Zato pamtimo Kur'an, zato ga čitamo, ali hajde da ne bude samo mehanički.

# 13. Sura Er-Ra'd

## ➤ **Imena sure:**

**Er-Ra'd** - grmljavina, zbog spominjanja grmljavine i njenog veličanja Uzvišenog Allaha

## ➤ **Intencije sure**

**Glavna intencija sure:** blještavost kosmičkih i Kur'anskih dokaza Allahove moći

## ➤ **Teme sure:**

Suru možemo podijeliti u 4 cjeline:

1. Uvod koji ukratko ukazuje na jasne Kur'anske i kosmičke dokaze Allahove moći
2. Opis stava nevjernika spram vjerovanja, te pozivanje istih u iman kroz prizmu blještavih kosmičkih dokaza Allahove moći
3. Poziv nevjernika u iman i teuhid kroz prizmu Kur'anskih dokaza Allahove moći
4. Zaključak koji potvrđuje prethodno spomenuto

## ➤ **Povezanost početka i kraja:**

Kao što je počela činjenicom da većina ljudi ne vjeruje uprkos kosmičkim i Kur'anskim dokazima Allahove moći, sura završava pozivom na razmišljanje o konačnici onih koji su utjerivali u laž poslanike, i pojašnjenjem da Allah savršeno zna spletke onih koji poriču blještave dokaze kojima je osnažio Njegove poslanike.

## ➤ **Povezanost imena i tematike:**

Kur'an poziva sa dva aspekta, kroz nadu i strah. Sa ova dva aspekta liči grmljavini, koja izaziva strah sa jedne strane, dok sa druge nosi kišu i bereket ljudima. Također, sura odiše jačinom u dokazima, pa je potpuno podudarno nazvati je Er-Ra'd.

# 14. Sura Ibrahim

## ➤ **Imena sure:**

**Ibrahim** - zbog kazivanja o ocu vjerovjesnika - Ibrahimu, alejhis selam

## ➤ **Intencije sure:**

**Glavna intencija sure:** uputa svih vjerovjesnika u Teuhidu i zahvali Allahu kao potpora Poslaniku, sallallahu alejhu we sellem, te žestoka prijetnja nevjernicima ovog ummeta, da ne završe kao prijašnji narodi

## ➤ **Teme sure:**

Suru možemo podijeliti u 5 tema:

1. Uvod koji poziva u Teuhid i zahvalu Allahu na blagodatima
2. Misija svih vjerovjesnika se bazira na Teuhidu i Šukru, te pojašnjenje dunjaljučke i ahiretske konačnice prijašnjih naroda
3. Dva primjera koja pojašnjavaju hal onih koji potvrđuju Teuhid, koji su zahvalni Allahu, i hal mušrika. To su primjeri lijepog i ružnog drveta
4. Kazivanje o Ibrahimu, čovejku koji je ispunio Teuhid, koji je bio zahvalan na blagodatima te poziv vjernicima da se ugledaju na njega, alejhis selam.
5. Zaključak koji potvrđuje spomenuto.

## ➤ **Povezanost početka i kraja:**

Kao što je počela sa opisom Kur'ana, sura završava opisom Kur'ana da je obznana ljudima.

## ➤ **Povezanost imena i tematike:**

Ibrahim je simbol potvrđivanja Teuhida, odricanja od širka i kipova, onaj koji je porodicu odgojio na tome, koji je zahvaljivao Allahu na blagodatima. Zato ova sura nosi ime po njemu, jer je simbol ispunjavanja obaveza prema Allahu i uklapa se potpuno u intencije sure.

# 15. Sura El-Hidžr

## ➤ **Imena sure:**

El-Hidžr - zaštita, obuhvatanje nečega

## ➤ **Intencija sure:**

**Glavna intencija sure:** Allahovo čuvanje vjere, uz pravilo da nema nikave zaštite za onoga koji poriče Allahove ajete, i da je zaštita i sigurnost jedino za onoga koji se pridržava Allahovog pomno čuvanog menhedža.

## ➤ **Teme sure:**

Suru dijelimo na 3 cjeline:

1. Uvod koji sadrži prijetnju onima koji poriču Allahove ajete. Niko ih ne može zaštititi od Allahove kazne i žestine, uz pojašnjenje da je sigurnost jedino u Allahovom šerijatu kojeg se obavezao sačuvati.
2. Razlaganje kazivanja u kojima se ističe Allahovo čuvanje Njegovih evlija, koji se pridržavaju Allahovog šerijata, kao i spominjanje kazne koja se sručila na one koji poriču.
3. Zaključak koji potvrđuje prethodno spomenuto, uz podsjećanje na apsolutno znanje Onoga koji je čuvar svemu, da je Allah taj koji čuva Kur'an, koji je Allahov menhedž i šerijat. Nakon toga, Allah podsjeća da jedino pridržavanje za šerijat štiti vjernika od kazne.

## ➤ **Povezanost početka i kraja sure:**

Kao što je počela sa hifzom (čuvanjem), sura završava sa hifzom (čuvanjem).

## ➤ **Povezanost imena i intencije sure:**

Jezičko značenje El-Hidžra jeste upravo ono što ukazuje na čuvanje, utvrđenje i čvrstinu. Semud je klesao kuće u planinama i kamenju, misleći da će ih to sačuvati. Međutim, nikakve utvrde ne pomažu od Allahove kazne, makar bile uklesane u kamenju. Ovo ime se u potpunosti uklapa u intencije sure i njene teme, a Allah najbolje zna.

# 16. Sura En-Nahl

## ➤ **Imena sure:**

**En-Nahl** - pčela zbog spominjanja pčele u suri

**En-Ni'am** - blagodati, zbog mnoštva blagodati spomenutih u suri

## ➤ **Intencija sure:**

**Glavna intencija sure:** potvrđivanje rububijeta i uluhijeta kroz spominjanje brojnih Allahovih blagodati

## ➤ **Teme sure:**

Suru možemo podijeliti u 5 cjelina:

1. Uvod koji spominje, koncizno, kosmičke i Kur'anske dokaze koji ukazuju na Onoga koji daruje blagodati
2. Detaljno pojašnjenje nekih kosmičkih ajeta potčinjenih ljudima i stav ljudi spram tih blagodati, poput kiše, sunca, mjeseca, dana, noći...
3. Stav ljudi spram objave i pojašnjenje konačnice vjernika i nevjernika na Sudnjem danu
4. Poziv u Teuhid kroz blagodati poput pčele i navođenje primjera ništavnosti drugih božanstava
5. Zaključak koji potvrđuje prethodno spomenuto

## ➤ **Povezanost početka i kraja:**

Kao što počinje opominjanjem, završava naredbom na pozivanje u Allahovu vjeru

## ➤ **Povezanost imena i tematike sure:**

Ako razmislimo o pčeli, vidjet ćemo jasne ukazatelje Allahovog znanja i moći, gdje sićušno biće biva podučeno pravljenju doma te pića koje biva lijek ljudima. U njenom kazivanju je veliki ibret i velika blagodat ljudima, pa i samo ime sure dolazi sa njenim imenom.

# 17. Sura El-Isra'

## ➤ Vrijednost sure:

Aiša, radijallahu anha, prenosi da Allahov Poslanik, sallallahu alejhi we sellem, ne bi zaspao dok ne prouči Beni Isra'il i Ez-Zumer. (Et-Tirmizi, Ahmed)

## ➤ Imena sure:

**El-Isra'** - putovanje u prvom dijelu noći, jer sura počinje spominjanjem mu'džize Poslanika, sallallahu alejhi we sellem, koji je u dijelu noći prešao iz Mekke u Kuds (Jerusalim)

**Beni Isra'il** - jer spominje jevreje i njihov fesad na zemlji

## ➤ Intencija sure:

**Glavna intencija sure:** uzdizanje ummeta Isra'a i Kur'ana nad ummetom Beni Isra'ila ako se bude pridržavao Kur'anskih zakona

## ➤ Teme sure:

Suru dijelimo u tri cjeline:

1. Uvod u kojem se spominje Isra' i pojašnjenje Allahove odredbe da će pomoći ovaj ummet i uzdići ih nad jevrejima
2. Opis Kur'ana kojeg se ovaj ummet mora prodržavati uz osvrt na mušrike koji negiraju Kur'an, Iblisa koji zavodi ljude od objave imetkom i djecom da čine fesad na zemlji (u čemu su mu slični jevreji koji čine fesad na zemlji imetkom i djecom) zatim poređenje između jevreja i mušrika po pitanju vjerskih dogmi i činjenica
3. Zaključak koji povezuje prethodno spominjanjem akide, Allahove odredbe da će pomoći ovaj ummet na jevrejima, obaveznosti pridržavanja za Kur'an

## ➤ Povezanost početka i kraja:

Sura počinje veličanjem Allaha a završava se spominjanjem namaza, zahvalom Allahu i tekbirom.

➤ **Povezanost teme sa imenom:**

Od intencija sure jeste zasađivanje vjerskih dogmi u srcima te potvrda poslanstva Muhammeda, sallallahu alejhi we sellem, mu'džizama od kojih je El-Isra', te išaret da se ovaj ummet ne smije odnositi prema mu'džizama kao jevreji i prijašnji narodi koji su utjerali mu'džize u laž.

➤ **Povezanost sure El-Isra' i sure El-Kehf:**

Sura El-Isra' počinje tesbihom (Subhan) dok sura El-Kehf počinje hamdom (Elhamdulillah) spajanjem ove dvije sure dobijamo "Subhanallahu we bi hamdihi".

# 18. Sura El-Kehf

## ➤ **Vrijednost sure:**

Rekao je Allahov Poslanik, sallallahu alejhi we sellem: „Ko nauči deset ajeta sa početka sure El-Kehf bit će sačuvan od fitne Dedždžala.“ (Muslim)

## ➤ **Imena sure:**

**El-Kehf** - pećina, zbog kazivanja o mladićima i pećini u kojoj su se sklonili

## ➤ **Intencije sure:**

**Glavna intencija sure:** ko pribjegne Allahu, Allah će ga sačuvati od fitne

## ➤ **Teme sure:**

Suru možemo podijeliti u 3 tematike:

1. Uvod u kojem Allah poziva u slijeđenje Kur'ana u kojem je spas i sigurnost, uz spomen konačnice vjernika i prijetnju nevjerniku
2. Raznolikost kazivanja u kojima primjećujemo razne vrste fitne i Allahovu blagost prema onima koji su pribjegli Njemu i samim tim bili spašeni spomenutih fitni
3. Zaključak koji potvrđuje spomenuto spominjanjem konačnice onih koji nisu slijedili Allahov zakon i konačnice vjernika koji su slijedili zakon

## ➤ **Povezanost početka i kraja:**

Sura počinje opisom Kur'ana, koji predstavlja Allahov zakon, da je bez ikakvih nepravilosti i iskrivljenja. On je prav, jasan, savršen, jer je Allahov govor. Sura završava također spominjanjem Allahovih riječi, te pozivom u slijeđenje Allahovog zakona (Kur'ana) jer je to jedini put sigurnosti i spasa na dunjaluku i ahiretu.



### ➤ **Povezanost imena i tematike:**

Kazivanje o mladićima koji su se sklonili u pećinu, kako bi izbegli fitnu širka i kufra je dokaz jedne od fajdi imana, a to je potpuna sigirnost od straha. Ovaj simbol se potpuno uklapa u tematiku sure, koja i nosi naziv El-Kehf.

# 19. Sura Merjem

## ➤ **Imena sure:**

**Merjem** - najodabranija žena koju je Allah stvorio

## ➤ **Intencije sure:**

**Glavna intencija sure:** potvrda Allahove apsolutne milosti kroz blagodati kojima je odlikovao sva svoja stvorenja, a posebno historijske ličnosti poput Mejreme, Zekerije, Jahje, Ibrahima i dr., što iziskuje potvrdu Allahove apsolutne moći, koja iziskuje potvrdu proživljenja na Sudnjem danu i negiranje djeteta, žene i svih partnera koje mu pripisuju nevjernici.

## ➤ **Teme sure:**

Suru možemo podijeliti u 4 cjeline:

1. Uvod u kojem Allah potvrđuje da je On jedini Stvoritelj, Onaj koji je sveopći darivatelj, Svemilosni i Onaj koji je svemu kadar.
2. Kazivanja koja potvrđuju Allahovu milost i ostala svojstva koja su spomenuta u uvodu
3. Govor o Teuhidu, te prijetnja nevjernicima koji su skrenuli sa pravog puta
4. Zaključak koji potvrđuje da je Uzvišeni Allah čist od toga da ima dijete, ženu, sudruga

## ➤ **Povezanost početka i kraja sure:**

Kao što počinje opisom milosti i moći Uzvišenog Allaha, sura završava istim svojstvima. Također, kroz cijelu suru Uzvišeni Allah spominje svoje ime Er-Rahman, Svemilosni, što se potpuno uklapa u tematiku sure.

## ➤ **Povezanost tematike sure sa imenom:**

Sura govori o Allahovoj moći, milosti, negiranju širka i blagodatima koje dariva Njegovim robovima. Kazivanje o Merjemi, alejhas selam, sadrži potvrdu svega spomenutog. Postala je trudna bez muža, rodila je dijete koje je Allahov Poslanik i od 5 najodabranijih poslanika, poslanika odluke. Njeno kazivanje pojašnjava zabludu hrišćana koji Allahu pripisuju dijete, i spominje njene vrline zbog kojih je odabrana nad ostalim ženama svijeta.

## 20. Sura TaHa

### ➤ **Imena sure:**

**TaHa** - zbog početka ovom kraticom

**Musa** - zbog kazivanja o Musi, alejhis selam, u mjeri u kojoj nije spomenuto u drugim surama

### ➤ **Intencije sure:**

**Glavna intencija sure:** Islam (Kur'an) jeste sreća na oba svijeta i nije poteškoća

### ➤ **Teme sure:**

Suru možemo podijeliti u 4 cjeline:

1. Uvod koji pojašnjava da je Kur'an radost Poslaniku, sallallahu alejhu we sellem, i vjernicima i da nikako nije poteškoća i breme
2. Detaljno kazivanje o Musi, alejhis selam
3. Potvrda sreće vjernika i bremena nevjernika na Sudnjem danu
4. Zaključak koji potvrđuje spomenuto

### ➤ **Povezanost početka i kraja sure:**

Sura počinje govorom o Kur'anu, koji nije objavljen da bi bio breme i poteškoća, da bi u posljednjim ajetima sure Allah spomenuo da će poteškoća obuhvatiti one koji se okrenu od Kur'ana i rada po njemu.

### ➤ **Povezanost imena sure sa intencijama:**

Sura nosi ime po jednoj od kratica (TaHa) koje su izazov ljudima da sačine nešto poput Kur'ana, koji je od slova koje i oni koriste od kojih su i slovo Ta i Ha. U kraticama je potvrda istinitosti Kur'ana i mu'džize, što se u potpunosti uklapa u intencije sure, a Allah najbolje zna.

# 21. Sura El-Enbija'

## ➤ **Imena sure:**

El-Enbija' - vjerovjesnici, zbog kazivanja o vjerovjesnicima predivnom gradacijom

## ➤ **Intencije sure:**

**Glavna intencija sure:** dokazivanje istinitosti, blizine i nastupanja Sudnjeg dana i obračuna pred Uzvišenim Allahom kroz kazivanja o vjerovjesnicima, alejhimus selam.

## ➤ **Teme sure:**

Suru možemo podijeliti u 4 cjeline:

1. Uvod koji upozorava na obračun i spominje nemar ljudi prema njemu
2. Racionalni dokazi Teuhida
3. Kazivanja o vjerovjesnicima koja sadrže u sebi glavnu intenciju sure
4. Zaključak kao potvrda prethodno spomenutog

## ➤ **Povezanost početka i kraja:**

Kao što počinje upozoravanjem na Sudnji dan, sura završava također upozoravanjem.

## ➤ **Povezanost imena sure sa intencijama:**

Glavna intencija sure jeste potvrda Sudnjeg dana kroz poziv prijašnjih vjerovjesnika. Sva kazivanja zajedno daju potpunu sliku glavne intencije, i ne može se izdvojiti jedno kazivanje od drugih, pa sura nosi naziv po svim kazivanjima tj. vjerovjesnicima, a Allah najbolje zna.

## 22. Sura El-Hadždž

### ➤ **Imena sure:**

El-Hadždž - zbog opisa hadždža koji su došli u suri

### ➤ **Intencije sure:**

**Glavna intencija sure:** potvrda Teuhida i Allahove moći, proživljenja i obračuna kroz prizmu hadždža

### ➤ **Teme sure:**

Suru možemo podijeliti u 5 tema:

1. Uvod koji spominje strahote Sudnjeg dana koje potvrđuju Allahovu moć ponovnog proživljenja na Sudnjem danu
2. Dokazi Allahove jednoće uz komparaciju između konačnice mušrika i vjernika
3. Pojašnjenje nasilja koje čine mušrici u El-Mesdžidu'l-Haramu, čineći ga hramom širka umjesto hrama teuhida
4. Dozvola džihada protiv mušrika uz dokaze Allahove apsolutne moći
5. Zaključak koji objedinjuje prethodno spomenuto

### ➤ **Povezanost početka i kraja**

Kao što počinje potvrdom Teuhida koji proizilazi iz potvrde Allahove moći stvaranja i proživljenja kroz spomen Hadždža koji jasno ukazuje na Teuhid i podjeća na Dan proživljenja, sura završava naredbom o pomaganju vjere, koja je Ibrahimova vjera, kome je Allah naredio da pozove ljude u Hadždž.

### ➤ **Povezanost imena i intencije sure:**

Hadždž je najveća prezentacija Teuhida na zemlji, dokaz Allahove moći i priprema ljude za Sudnji dan (ihramima, stajanjem na Arefatu ...) pa se apsolutno uklapa u intenciju sure, i samim tim nosi naziv El-Hadždž, a Allah najbolje zna.

## 23. Sura El-Mu'minun

### ➤ **Imena sure:**

**El-Mu'minun** - vjernici, jer spominje svojstva vjernika i njihovu nagradu koja ih očekuje

**Qad Efleha** - jer počinje ovom sintagmom

### ➤ **Intencije sure:**

**Glavna intencija sure:** uspjeh vjernika na dunjaluku i ahiretu i propast nevjernika na dunjaluku i ahiretu

### ➤ **Teme sure:**

Suru možemo podijeliti u 5 cjelina:

1. Uvod u kojem Allah spominje opise vjernika i njihovu nagradu koja ih očekuje
2. Opisi Allahove veličanstvenosti u stvaranju čovjeka i univerzuma, koji iziskuju vjerovanje u Allaha
3. Kazivanja o prijašnjim vjerovjesnicima koja pozivaju u Teuhid i pojašnjavaju uspjeh vjernika i propast nevjernika
4. Potvrda položaja vjernika i njihov uspjeh uz poređenje sa položajem nevjernima i njihovim gubitkom
5. Zaključak koji povezuje prethodno

### ➤ **Povezanost početka i kraja sure:**

Kao što počinje uspjehom vjernika, sura završava neuspjehom nevjernika. Kao što u početku spominje stvaranje čovjeka kao potvrdu Teuhida, završava govorom da je čovjek stvoren sa ciljem (da obožava isključivo Allaha), ne iz rasonode.

### ➤ **Povezanost imena sure sa intencijama:**

Pošto sura stavlja akcenat na osobine kojima bi se trebao okititi vjernik ako želi uspjeh na dunjaluku i ahiretu, sura nosi ime Vjernici. A Allah najbolje zna.

# 24. Sura En-Nur

## ➤ **Imena sure:**

En-Nur - zbog spominjanja Allahovog svjetla

## ➤ **Intencije sure:**

**Glavna intencija sure:** čednost muslimanske zajednice i njena zaštita od ravrata i spletki munafika

## ➤ **Teme sure:**

Suru dijelimo u 4 cjeline:

1. Uvod u kojem Allah upozorava na blud i pojašnjava njegovu šerijatsku kaznu
2. Pojašnjenje nevinosti majke vjernika Aiše, radijallahu anha, u događaju potvore, te odgojne smjernice vjernicima koje trebaju izvući iz tog događaja
3. Allah je svjetlo nebesa i zemlje, poziv ka svjetlu šerijata i pojašnjenje da ko okrene glavu od šerijata boravit će u tminama
4. Zaključak koji povezuje spomenuto

## ➤ **Povezanost početka i kraja:**

Sura počinje stavljanjem ove sure u obavezu da bi se završila upozoravanjem na one koji odstupaju od Poslanikovog sunneta, sallallahu alejhi we wellem.

## ➤ **Povezanost imena sure i intencije:**

Šerijat je došao kao svjetlo koje štiti muslimansko društvo, ko se bude držao šerijata imat će svjetlo, ko se okrene, taj će boraviti u tminama razvrata. Zato sura nosi naziv En-Nur, a Allah najbolje zna.

# 25. Sura El-Furqan

## ➤ **Imena sure:**

**El-Furqan** - Onaj koji rastavlja istinu od neistine, jer spominje u prvom ajetu El-Furqan, što je jedno od imena Kur'ana

## ➤ **Intencije sure:**

**Glavna intencija sure:** Kur'an radvaja istinu od neistine

## ➤ **Teme sure:**

Suru možemo podijeliti u 4 cjeline

1. Uvod koji opisuje veličanstvenost Onoga koji objavljuje El-Furqan i koji pobija neke šubhe mušrika
2. Odgovor na laži koje izmišljaju mušrici o Poslaniku, sallallahu alejhi we sellem, i Kur'anu uz pojašnjenje šta ih čeka na Sudnjem danu
3. Nastavak govora o veličanstvenosti Onoga koji objavljuje El-Furqan
4. Zaključak koji potvrđuje prethodno spominjanjem robova Milostivog, kako bi postalo jasno da Kur'an razdvaja istinu od laži, vjernike od nevjernika.

## ➤ **Povezanost početka i kraja:**

Kao što na početku spominje odnos mušrika prema Poslaniku, sallallahu alejhi we sellem, završava odnosom vjernika prema njemu, alejhis salatu wes selam. Kao što na početku spominje opise mušrika, završava opisom vjernika. Kao što počinje Allahovom veličanstvenošću, završava ajetom u kojem Allah kaže da ne poklanja pažnju ljudima osim dovama vjernika, i da je kadar kazniti nevjernike.

## ➤ **Povezanost imena i intencija:**

Pošto sura govori o razdvajanju istine od laži, sura nosi naziv El-Furqan, a Allah najbolje zna.



## 26. Sura Eš-Šu'ara'

### ➤ **Imena sure:**

**Eš-Šuara** - zbog govora o pjesnicima u suri

**El-Zulleh** - oblak, zbog kazne koja se spominje u suri

**El-Džami'ah** - Ona koja sakuplja, jer je prva sura koja je sakupila kazivanja o poslanicima i narodima

### ➤ **Intencije sure:**

**Glavna intencija sure:** jasni ajeti i dokazi mu'džiza koje je Allah slao prijašnjim narodima i jasni Kur'anski dokazi koji se objavljuju Muhammedu, sallallahu alejhi we sellem, što iziskuje da svi ljudi povjeruju, a posebno pjesnici zbog stilistike Kur'ana i nevjerovatne jezičke konstrukcije

### ➤ **Teme sure:**

Suru dijelimo u 3 teme:

1. Uvod u kojem Allah spominje stanje nevjernika koji utjeruju Kur'an u laž uprkos jasnim dokazima istinitosti
2. Kazivanja koja pokazuju stav naroda prema ajetima objave koje im je Allah slao
3. Zaključak koji povezuje prethodno

### ➤ **Povezanost početka i kraja sure:**

Sura počinje dokazima istinitosti Kur'ana uz prijetnju nevjernicima da ih očekuje kazna. Sura se završava govorom o pjesnicima koje bi trebala njihova elokvencija i poznavanje arapskog jezika uputiti da prvi povjeruju u Kur'an koji nadmašuje njihovu poeziju i koji je na najvećem stepenu arapskog jezika, koji je na najvećem stepenu u odnosu na ostale jezike, uz ponavljanje prijetnje nevjernicima.

## ➤ **Povezanost početka i kraja:**

Sura odiše nevjerovatnom stilistikom i gradacijom u kazivanju. U suri Allah spominje brojne mu'džize i činjenicu da je ovaj Kur'an posebna mu'džiza i da je na arapskom jeziku, najbogatijem jeziku. U suri Allah na dosta mjesta spominje riječ **Mubin** - što znači jasan, a to je od načela stilistike. Sve ovo se potpuno podudara sa nazivom sure Pjesnici, jer su oni važili za najelokventniji i najodabraniji sloj arapskog društva jer su arapi najviše vodili računa o rječitosti i besjedništvu. Pjesnici su se najbolje izražavali, u njihovom govoru su bila "čuda". Kur'an dolazi i ostavlja govor pjesnika u prašini džahilijeta, i nadmašuje mudrosti koje su arapi pomno čuvali u njihovom jeziku. To je ultimativna mu'džiza ovog ummeta, nadmašuje najrečitije ljude, arapske pjesnike, i ukazuje na istinitost Poslanika, sallallahu alejhi we sellem, i njegove misije.

# 27. Sura En-Neml

## ➤ **Imena sure:**

**En-Neml** - zbog spominjanja ovog stvorenja u suri

**Sulejman** - zbog kazivanja o Sulejmanu, alejhis selam, sa detaljima koji nisu spomenuti u drugim surama

## ➤ **Intencije sure:**

**Glavna intencija sure:** na Allahovim ajetima i blagodatima treba uzvratiti Teuhidom i zahvalom, ne nevjerstvom i negiranjem.

## ➤ **Teme sure:**

Suru možemo podijeliti u 4 cjeline:

1. Uvod u kojem Allah poziva u vjerovanje u Kur'an i osnove vjerovanja
2. Kazivanja kao urnek vjerovanja i zahvale sa jedne strane, i urnek nevjerstva i poricanja sa druge
3. Kosmički dokazi Allahove jednoće koji pozivaju u Teuhid i zahvalu
4. Zaključak koji povezuje prethodno

## ➤ **Povezanost početka i kraja:**

Sura počinje pozivom u vjerovanje u Kur'an, a završava naredbom čitanja Kur'ana.

## ➤ **Povezanost imena i intencije:**

Kazivanje o mravu i Sulejmanu, alejhis selam, sadrži intenciju ove sure. Allah u njoj govori o Njegovoj uputi i zahvali. Kroz govor sićušnog mrava, koji nam Allah prenosi, vidimo njegovu razboritost, mudrost, politiku upravljanja zajednicom, što ukazuje na Allahovu uputu i iman. Sa druge strane, ovaj događaj je Sulejman dočeka zahvalom Allahu. Samim tim, ova priča objedinjuje vjerovanje, uputu i zahvalu, što su glavne intencije sure, pa sura nosi ime po mravu.

# 28. Sura El-Qasas

## ➤ **Imena sure:**

**El-Qasas** - kazivanje, jer se sura sastoji iz dva kazivanja: kazivanja o Musi, alejhis selam i kazivanja o Qarunu

## ➤ **Intencije sure:**

**Glavna intencija sure:** povjerenje u Allaha i Njegovu pomoć i potvrda Allahove moći kroz prizmu uzdizanja potlačenih i ponižavanja nasilnika

## ➤ **Teme sure:**

Suru možemo podijeliti u 4 cjeline:

1. Uvod u kojem Allah spominje stanje Egipta prije rađanja Muse, alejhis selam
2. Kazivanje o Musi koje potvrđuje Allahovo upravljanje, moć i pomoć potlačenim što iziskuje potpuno predanje Njemu i poverenje u Njega, azze we dželle
3. Pozivanje poricatelja u iman time što je Allah Onaj koji je stvara, upravlja i Onaj koji je poslao Musu i Muhammeda, sallallahu alejhima we sellem uz upozoravanje na konačnicu koja je zadesila Qaruna
4. Zaključak koji potvrđuje intenciju

## ➤ **Povezanost početka i kraja:**

Kao što počinje potvrdom da je u Allahovoj ruci upravljanje svime i Njemu pripada presuda, sura završava da je On apsolutna istina i da Njemu pripada presuda i upravljanje.

Kao što na početku spominje obećanje Musinoj majci da će joj ga vratiti kao poslanika, Allah spominje na kraju sure obećanje Poslaniku, sallallahu alejhi we sellem, da će ga vratiti u Mekku

### ➤ **Povezanost imena i intencije:**

Sura ukazuje da postoji samo jedna snaga - Allahova snaga, i jedna vrijednost - vrijednost imana. Sa kim bude Allahova snaga, taj je sigurno pobjednik. Protiv koga bude Allahova snaga, on je sigurno gubitnik. Historija naroda je najbolji svjedok ovog univerzalnog pravila. Historija, ili Kazivanje - kako Kur'an oslovljava historiju prijašnjih naroda, je zato izabrana da nosi naziv sure, a Allah najbolje zna.

## 29. Sura El-Ankebut

### ➤ **Imena sure:**

**El-Ankebut** - pauk, jer je jedini primjer kojeg Uzvišeni spominje u suri

### ➤ **Intencije sure:**

**Glavna intencija sure:** stavljanje akcenta na sabur i postojanje u trenucima iskušenja i belaja

### ➤ **Teme sure:**

Suru dijelimo u 4 cjeline:

1. Uvod u kojem Allah poziva na sabur na imanu u trenucima fitne i iskušenja
2. Pokušaji nevjernika da fitnama pokolebaju vjernike uz kazivanja o vjerovjesnicima koja to potvrđuju
3. Osvrt na kazivanja koji potvrđuje propast nevjernika i njihovih spletki kod Allaha
4. Zaključak koji potvrđuje prethodno

### ➤ **Povezanost početka i kraja:**

Kao što počinje pozivom potlačenih vjernika da ustraju na saburu i radu na polju Allahove vjere, Allah završava suru sa ajetom koji potvrđuje spomenuti poziv. Kao što na početku spominje iskušenja, na kraju spominje dva primjera iskušenja mušricima: primjer lađe i sigurnosti Mekke

### ➤ **Povezanost intencije i imena sure:**

Iman nije samo govor jezikom. Iman je potvrda djelima istinitosti onoga što je jezik izrekao. Zato Allah šalje iskušenja, da se među ljudima istaknu oni koji su iskreni u imanu. Ispravan iman u srcu, jeziku i djelima izgradit će jaku zajednicu, zajednicu vjernika - kakva je i bila zajednica ashaba. Loša imanska veza napraviti će pustoš u domu i zajednici i ličiti će kući pauka koja niti štiti od napada, niti daje toplotu i najlakši povjetarac (iskušenje) je pomera. Vjernik mora izgraditi saburom na iskušenjima čvrst temelj (iman) za svoju građevinu (djela na dunjaluku) i ne smije dopustiti sebi da mu građevina bude poput paukove kuće, kao što su građevine (djela) nevjernika, koje im neće pomoći na ahiretu ni koliko trun.

# 30. Sura Er-Rum

## ➤ **Imena sure:**

**Er-Rum** - Bizantijci, jer Allah govori o njima na početku sure

## ➤ **Intencije sure:**

**Glavna intencija sure:** istinitost Allahovog obećanja jer On jedini upravlja svime

## ➤ **Teme sure:**

Suru dijelimo u 3 cjeline:

1. Uvod u kojem Allah potvrđuje da će se Njegovo obećanje obistiniti bez ikakve sumnje
2. Manifestacija Allahove moći na dunjaluku i ahiretu koja potvrđuje da Allah upravlja svim stvorenjima
3. Zaključak koji potvrđuje spomenuto

## ➤ **Povezanost početka i kraja:**

Kao što počinje potvrđivanjem istinitosti Allahovog obećanja da će Bizantijci poraziti Persijance, jer On upravlja svim stvorenjima, sura završava potvrdom istinitosti Allahovog obećanja da će pomoći vjernike.

## ➤ **Povezanost imena i intencije sure:**

Kao što je Allah pomogao Bizantijce protiv Persijanaca, isto će tako pomoći muslimane protiv ostalih. Zato sura nosi naziv po Bizantijcima, ukazujući na istinitost Allahovog obećanja, makar trenutna situacija ne izgledala tako. Bizantijci su 7 godina nakon poraza od Persijanaca uspjeli poraziti ovo carstvo u borbi, što je za tadašnje standarde bilo izuzetno teško imajući u vidu jačinu persijske države, vremena koje je potrebno za organizovanje vojske posle poraza, gušenja nezadovoljstva stanovnika nakon gubitka i vremena koje je potrebno za putovanje vojske.

# 31. Sura Luqman

## ➤ **Imena sure:**

**Luqman** - zbog kazivanja o ovom dobrom čovjeku i njegovim mudrostima

## ➤ **Intencije sure:**

**Glavna intencija sure:** uzimanje mudre odluke slijedenjem imana, a onaj koji učini nevjerstvo sebi je uskratio mudrost

## ➤ **Teme sure:**

Suru dijelimo u 4 cjeline:

1. Uvod u kojem Allah spominje odnos vjernika i oholnika spram dokazima Allahove mudrosti u kosmosu
2. Kazivanje o Luqmanu koji savjetuje sina mudrim oporukama, od kojih je najvažnija Teuhid i Iman.
3. Stav ljudi o tragovima Allahove mudrosti u svemiru
4. Zaključak kao potvrda spomenutog

## ➤ **Povezanost početka i kraja:**

Sura počinje spominjanjem Allahovog znanja i mudrosti, a završava ključevima gajba, koje zna samo On Uzvišeni.



### ➤ **Povezanost imena i intencije:**

Sura stavlja akcenat na mudrosti Luqmana, koje ukazuju na mudrost Kur'ana i Onoga koji objavljuje Kur'an. Luqman naređuje sinu Teuhid, zabranjuje širk, uči ga o svjesti o Allahovom nadzoru, naređuje mu namaz, sabur, naređuje mu da bude u skupini onih koji naređuju na dobro i odvrćaju od zla, uči ga edebu i ahlaku. Sve su ovo i Kur'anske mudrosti, koje nama Allah naređuje. Ko želi mudrost neka požuri ka ovim načelima. Ko se okrene od njih, izgubit će mudrost. Zato sura nosi naziv po Luqmanu, rahimehullahu te'ala.

## 32. Sura Es-Sedždeh

### ➤ **Imena sure:**

**Es-Sedždeh** - jer je jedina sura koja počinje kraticom Elif-Lam-Mim a ima sedždu (El-Mehajimi)

**Elif-Lam-Mim tenzilus sedždeh** - jer sura počinje ovom sintagmom, a riječ Es-Sedždeh se javlja zbog istog razloga kojeg smo spomenuli u imenu Es-Sedždeh

### ➤ **Intencija sure:**

**Glavna intencija sure:** poniznost prema Uzvišenom Allahu

### ➤ **Teme sure:**

Suru dijelimo u 3 cjeline:

1. Uvod koji potvrđuje da je Allah stvoritelj nebesa i zemlje i Onaj koji upravlja njima, i da je On taj koji je objavio Knjigu Poslaniku, sallallahu alejhi we sellem, kako bi pozivao ljude u iman
2. Govor o nevjernicima i njihovom odnosu prema Allahovoj moći, te govor o vjernicima i njihovom odnosu spram Allahove moći i konačnica koja očekuje obje skupine
3. Zaključak koji potvrđuje spomenuto

### ➤ **Povezanost početka i kraja:**

Sura počinje pojašnjenjem da je Allah Onaj koji je objavio Kur'an, a završava tugom koja će okružiti nevjernike jer nisu vjerovali u Kur'an

### ➤ **Povezanost imena i intencija:**

Sura govori o poniznosti i potvrdi robovanja Allahu kroz prizmu nepobitnih dokaza koji ukazuju na Njega. Sedžda je dokaz poniznosti prema Uzvišenom, pa sura nosi naziv po njoj, a Allah najbolje zna.

# 33. Sura El-Ahzab

## ➤ **Imena sure:**

**El-Ahzab** - Udružene skupine, jer Allah govori o udruženim skupinama mušrika koji su htjeli poraziti muslimane

## ➤ **Intencije sure:**

**Glavna intencija sure:** vrijednost Poslanika, sallallahu alejhi we sellem, i njegova prava kod vjernika kroz prizmu teških situacija sa kojima su se suočavali vjernici

## ➤ **Teme sure:**

Suru dijelimo u 4 cjeline:

1. Uvod u kojem Allah spominje vrijednost Poslanika, sallallahu alejhi we sellem, i neka od njegovih prava kod vjernika
2. Odgajanje vjernika da se pokoravaju Poslaniku, sallallahu alejhi we sellem, i da imaju povjerenja u njega tokom teških trenutaka. Uz to, ova cjelina govori o kukavičluku munafika i njihovom svojstvu ostavljanja vjernika na cjedilu tokom bitke El-Ahzab
3. Prava Poslanika, sallallahu alejhi we sellem, koja ima kod njegovih žena, porodice i ostalih vjernika
4. Zaključak koji potvrđuje spomenuto

## ➤ **Povezanost početka i kraja:**

Sura počinje naredbom na bogobožnost i zabranom slijeđenja nevjernika i munafika, a završava konačnicom vjernika i nevjernika.

### ➤ **Povezanost imena i intencije sure:**

Sura govori o izgradnji muslimanske zajednice na načelima akide i teuhida uz pojašnjavanje statusa Poslanika, sallallahu alejhi we sellem, u muslimanskoj državi, te upozoravanje na nevjernike i munafike. Bitka El-Ahzab upravo u sebi sadrži smjernice i intencije koje sadrži ova Kur'anska sura, pa nosi ime po njoj.

## 34. Sura Sebe'

### ➤ **Imena sure:**

**Sebe'** - zbog kazivanja o kraljevstvu Sebe'

### ➤ **Intencije sure:**

**Glavna intencija sure:** upozoravanje na poricanje Allahovih blagodati i pojašnjavanje razloga koji čine da neko poriče Allahove blagodati

### ➤ **Teme sure:**

Suru dijelimo u 4 cjeline:

1. Uvod u kojem Allah potvrđuje da su ključevi nebesa i zemlje Njegovi što iziskuje potvrdu obožavanja samo Njega i vjerovanje u ahiret, te prijetnja nevjernicima koji negiraju ahiret
2. Dva primjera onih koji su zahvaljivali na Allahovim blagodatima (Davud i Sulejman, alejhimas selam) i primjer onih koji su negirali i poricali Allahove blagodati (Sebe') uz spominjanje sebeba koji su učinili da poreknu Allahove blagodati
3. Dokazi koji jasno ukazuju da su u Allaha ključevi nebesa i zemlje, što iziskuje potvrdu Teuhida, Imana i zahvale Allahu srcem, jezikom i djelima
4. Zaključak koji potvrđuje prethodno

### ➤ **Povezanost početka i kraja:**

Sura počinje pozivom u vjerovanje i zahvalu kroz prizmu Allahovog upravljanja stvorenjima, da bi završila opisom gubitka onih koji su se okrenuli od imana i šukra

### ➤ **Povezanost imena i intencija:**

Sura govori o važnosti zahvale Uzvišenom, i kako zahvala održava blagodati i uvećava ih. Kazivanje o Sebi' je jasan primjer kako Allah mijenja blagodati u iskušenja i nedaće onima koji ne zahvaljuju, pa sura nosi ime po njoj.

# 35. Sura Fatir

## ➤ **Imena sure:**

**Fatir** - Stvoritelj bez prethodnog primjera, jer sura sadrži ovaj Allahov opis na početku

## ➤ **Intencija sure:**

**Glavna intencija sure:** potvrda apsolutne Allahove moći kroz prizmu prvog stvaranja što iziskuje vjerovanje u proživljenje i da će ponovo stvoriti stvorenja (oživjeti) na Sudnjem danu

## ➤ **Teme sure:**

Suru dijelimo u 4 cjeline:

1. Uvod u kojem Allah poziva u Teuhid kroz prizmu kosmičkih i Kur'anskih dokaza
2. Prikaz kosmičkih dokaza koji ukazuju na Allahovu moć da proživi stvorenja na Sudnjem danu
3. Poziv u vjerovanje u Kur'an kroz prizmu konačnice na Sudnjem danu onih koji su vjerovali u njega i onih koji nisu, što iziskuje potvrdu da će Allah ponovo oživjeti stvorenja
4. Zaključak koji povezuje prethodno

## ➤ **Povezanost početka i kraja:**

Sura počinje potvrdom da je Allah stvoritelj svih stvorenja, da bi završila potvrdom da će ih On, azze we dželle, na Sudnjem danu oživjeti

## ➤ **Povezanost imena i intencija:**

Intencija sure je potvrda proživljenja kroz posmatranje prvog stvaranja, pa se sasvim uklapa ime sure Fatir. A Allah najbolje zna.

# 36. Sura Ja-Sin

## ➤ **Imena sure:**

**Ja-Sin** - jer počinje ovom kraticom

## ➤ **Intencije sure:**

**Glavna intencija sure:** potvrda vjerovanja u proživljenje

## ➤ **Teme sure:**

Suru dijelimo u 4 cjeline:

1. Uvod u kojem Allah spominje da je u Njegovoj ruci vlast svega i da je On uzvišen od svake manjkavosti i da je On taj koji je poslao poslanike
2. Kazivanje o stanovnicima sela koje potvrđuje da su poslanici uputa ljudima i koje potvrđuje Allahovu moć proživljenja
3. Potvrda Allahove moći proživljenja kroz razlaganje stanja vjernika i nevjernika na Sudnjem danu
4. Zaključak koji potvrđuje spomenuto

## ➤ **Povezanost početka i kraja:**

Sura na početku spominje potvrdu proživljenja, da bi se i završila ajetom koji potvrđuje proživljenje

## ➤ **Povezanost imena i intencije:**

Kratice označavaju, kako smo o tome govorili, izazov ljudima i džinnima da sačine nešto poput Kur'ana. U kraticama je mu'džiza Allahovog govora koja ukazuje da je Kur'an istina, kao i onaj kome se objavljuje, kao i Onaj koji ga objavljuje. Potvrdom Kur'ana se potvrđuje i proživljenje, koje je protkano kroz cijelu Kur'ansku tematiku, pa sura nosi naziv po kratici Ja-Sin. A Allah najbolje zna.

# 37. Sura Es-Saffat

## ➤ **Imena sure:**

**Es-Saffat** - Meleci poređani u redove, jer Allah počinje suru zaklinjanjem na ove meleke

## ➤ **Intencija sure:**

**Glavna intencija sure:** pobijanje tvrdnji pripisivanja širka Allahu

## ➤ **Teme sure:**

Suru dijelimo u 4 cjeline:

1. Uvod u kojem Allah spominje Njegovu moć, što ukazuje da se samo On obožava. Nakon toga, u uvodu imamo stvarne opise melema i džinna koji ukazuju da ova stvorenja ne mogu biti partneri Allahu, već su i sami Allahovi robovi
2. Opisi Sudnjeg dana
3. Kazivanja u kojima se ističe Allahova moć, iz čega proizilazi da se samo On obožava
4. Zaključak koji povezuje prethodno

## ➤ **Povezanost početka i kraja sure:**

Sura počinje opisima meleka, da bi ponovo na kraju vratila govor o njima i njihovom robovanju Allahu, što ukazuje da nisu božanstva, kako su mušrici smatrali.

## ➤ **Povezanost imena i intencija:**

Mušrici su smatrali da su meleci Allahove kćeri. Davanje imena ovoj suri po Melecima koji su u saffovima poređani čineći ibadet Allahu negira njihovo vjerovanje i biva sasvim podudarno sa intencijom sure



# 38. Sura Sad

## ➤ **Imena sure:**

**Sad** - jer Allah počinje suru ovom kraticom

## ➤ **Intencije sure:**

**Glavna intencija sure:** odgajanje Poslanika, sallallahu alejhi we sellem, koji je na istini, da sabura jer će Allahovo obećanje sa kraja prethodne sure sigurno doći („*I uistinu će naša vojska jedina pobjediti*“)

## ➤ **Teme sure:**

Suru dijelimo u 4 cjeline:

1. Uvod u kojem Allah odgaja Poslanika, sallallahu alejhu we sellem, da sabura i da opominje Kur'anom, jer je preči da sabura od mušrika koji saburaju na zabludi
2. Kazivanja o poslanicima koje je Allah odgojio da saburaju
3. Osvrt na prethodna kazivanja spominjanjem konačnice na Sudnjem danu onih koji su saburali na teuhidu i onih koji su saburali na zabludi
4. Zaključak koji potvrđuje prethodno

## ➤ **Povezanost početka i kraja:**

Sura počinje govorom o Kur'anu, da bi se završila govorom o Kur'anu

## ➤ **Povezanost imena i intencija:**

Kratika ukazuje na mu'džizu Kur'ana. Onaj koji je kadar objaviti Kur'an, uistinu je kadar pomoći Njegovom Poslaniku, sallallahu alejhi we sellem.

## 39. Sura Ez-Zumer

### ➤ **Imena sure:**

**Ez-Zumer** - skupine, jer Allah spominje da će vjernici i nevjernici ulaziti u Džennet i Džehennem u skupinama

### ➤ **Intencije sure:**

**Glavna intencija sure:** čisti Teuhid bez primesa širka i licemjerstva kroz prizmu poređenja između vjernika i nevjernika

### ➤ **Teme sure:**

Suru dijelimo u 3 cjeline

1. Uvod u kojem Allah spominje razlike između vjernika i nevjernika spram Teuhida
2. Spominjanje 8 razlika između vjernika i nevjernika i nagradu obje skupine
3. Zaključak koji spominje skupine vjernika i nevjernika i njihov odlazak u Džennet i Džehennem

### ➤ **Povezanost početka i kraja:**

Sura počinje obećanjem da će Allah presuditi između vjernika i nevjernika u onome u čemu su se razišli da bi završila ajetom u kojem spominje da je presuđeno između njih pravedno.

### ➤ **Povezanost imena i intencija sure:**

Intencija sure je potvrda Teuhida kroz prizmu razlika između vjernika i nevjernika pa sasvim odgovara da ime sure nosi naziv po skupinama. A Allah najbolje zna.

## 40. Sura Gafir

### ➤ **Imena sure:**

**Gafir** - Onaj koji prašta, jer je prvo Allahovo svojstvo koje spominje u suri

**Ha-Mim El-Mu'min** - jer počinje ovom kraticom i spominje kazivanje o vjerniku iz porodice Faraona

**Et-Taul** - blagodat, jer spominje Allahove blagodati prema robovima

### ➤ **Intencije sure:**

**Glavna intencija sure:** Bitnost pozivanja ka Allahu

### ➤ **Teme sure:**

Suru dijelimo u 4 cjeline:

1. Uvod u kojem Allah poziva u Teuhid pojašnjavajući Njegova svojstva oprosta, prihvatanja pokajanja, žestokog kažnjavanja i velikog darivanja robovima
2. Kazivanja o Allahovom žestokom kažnjavanju i darivanju blagodati koja pozivaju u Teuhid
3. Kosmički dokazi koji upućuju u Teuhid
4. Zaključak koji potvrđuje prethodno

### ➤ **Povezanost početka i kraja sure:**

Sura počinje raspravama nevjernika da bi završila spominjanjem zablude nevjernika i njihove konačnice

### ➤ **Povezanost imena i intencije:**

Nije kadar oprostiti kome hoće, šta hoće izuzev Onaj koji je vlasnik aposolutne uzvišenosti i veličanstvenosti. Onaj koji ima takva svojstva jedini zaslužuje da bude obožavan, i najveći zulum je pridružiti Njemu suparnika. Ime sure se poklapa sa intencijom, a to je poziv u Teuhid, a Allah najbolje zna.

# 41. Sura Fussilet

## ➤ **Imena sure:**

**Fussilet** - Pojašnjene, jer Allah opisuje Kur'anske ajete na početku sure i spominje da su pojašnjeni

**Ha-Mim Es-Sedždeh** - jer je jedina sura sa sedždom među surama koje počinju kraticom Ha-Mim

## ➤ **Intencije sure:**

**Glavna intencija sure:** Potvrda Uluhijjeta preko detaljno pojašnjenih Kur'anskih i kosmičkih ajeta

## ➤ **Teme sure:**

Suru dijelimo u 4 cjeline:

1. Uvod u kojem Allah spominje Njegova veličanstvena svojstva koja upućuju na Teuhid Uluhijjeh
2. Spomen konačnice vjernika i nevjernika na ahiretu
3. Ponovna potvrda Teuhida preko Kur'ana i kosmičkih dokaza
4. Zaključak koji potvrđuje prethodno

## ➤ **Povezanost početka i kraja:**

Sura počinje potvrdom Teuhida preko Kur'anskih dokaza, a završava potvrdom Teuhida preko kosmičkih dokaza

### ➤ **Povezanost imena i intencije sure:**

Sura spominje mnoštvo dokaza Teuhida, koji su detaljno i jasno pojašnjeni, pa sura nosi naziv Pojašenjene (ajeti su u ženskom rodu u ar.jez. a riječ fessale je pasiv prošlog vremena glagola fessale (فَصَّلَ) u trećem licu jednine ženskog roda.

# 42. Sura Eš-Šura

## ➤ **Imena sure:**

**Eš-Šura** - dogovaranje, jer se u njoj spominje međusobno dogovaranje muslimana

**Ha-Mim Ajn-Sin-Qaf** - jer Allah počinje suru ovom kraticom

## ➤ **Intencije sure:**

**Glavna intencija sure:** jedinstvo ummeta na temeljima vjere i ispravnog islamskog vjerovanja

## ➤ **Teme sure:**

Suru dijelimo u 3 cjeline:

1. Uvod u kojem Allah poziva u Iman i Teuhid, i pobija zablude mušrika
2. Poziv u pridržavanje za šerijat kroz prizmu savršenstva Allahovog zakona i savršenstva stvaranja stvorenja
3. Zaključak koji potvrđuje prethodno

## ➤ **Povezanost početka i kraja sure:**

Sura počinje spominjanjem objave, i završava se spominjanjem objave

## ➤ **Povezanost imena i intencije sure:**

Sura potvrđuje savršenstvo ove vjere i poziva u pridržavanje za uže islama i imana. Samim tim, ona naređuje na ujedinjenje oko ovih načela, koje proizilazi međusobnim dogovorima muslimana, pa nosi ime Eš-Šura. A Allah najbolje zna.

# 43. Sura Ez-Zuhruf

## ➤ **Imena sure:**

**Ez-Zuhruf** - zlatni ukrasi, jer govori o ukrasima dunjaluka

## ➤ **Intencije sure:**

**Glavna intencija sure:** upozoravanje na fitnu dunjaluka i njegovih ukrasa, koji su bili sebeb širka i propasti mnogih ljudi

## ➤ **Teme sure:**

Suru možemo podijeliti u 3 cjeline:

1. Uvod u kojem Uzvišeni spominje Kur'anske dokaze Allahove milosti i kosmičke, potčinjene insanu, dokaze koji ukazuju na milost Milostivog
2. Negiranje širka i poziv u Teuhid kroz kazivanja o prijašnjim narodima koje je obnamulo dunjalučko zlato od vjerovanja u Milostivog
3. Zaključak koji potvrđuje prethodno

## ➤ **Povezanost početka i kraja sure:**

Sura počinje potvrdom da je Allah stvoritelj nebesa i Zemlje, a, završava potvrdom da je Allah vladar nebesa i Zemlje

## ➤ **Povezanost intencije i imena sure:**

Pošto je blago dunjaluka uticalo na zabludu mnogih, a sura upozorava na obmanu dunjaluka svojim ukrasima, sura nosi ime Ez-Zuhruf.

# 44. Sura Ed-Duhan

## ➤ **Imena sure:**

**Ed-Duhan** - Dim, jer Allah spominje dim u suri

## ➤ **Intencije sure:**

**Glavna intencija sure:** upozoravanje poricatelja na obmanu snagom i vlašću uz potvrdu Allahove apsolutne moći proživljenja stvorenja nakon smrti i strašne kazne koja očekuje nasilnike

## ➤ **Teme sure:**

Suru dijelimo u 3 cjeline:

1. Uvod u kojem Allah potvrđuje da On obavljuje Kur'an
2. Kazivanja koja ukazuju na Allahovu moć i koja prijete nasilnicima da ne završe kao nasilnici prijašnjih naroda, poput Faraona
3. Zaključak koji potvrđuje prethodno

## ➤ **Povezanost početka i kraja sure:**

Sura počinje govorom o Kur'anu i da je on opomena, a završava se govorom o Kur'anu i da je on opomena

## ➤ **Povezanost intencije i imena sure:**

Sura upozorava na tešku kaznu koja će zadesiti poricatelje Kur'ana, a Dim, bilo da se radi o dimu koji je zadesio Kurejšije u doba suše i gladi kao vid kazne kada su od jačine gladi viđali dim, ili Dimu kao velikom predznaku Sudnjeg dana, dodatno pojačava dozu zastrašivanja pa sura nosi ime po njemu.



# 45. Sura El-Džasijeh

## ➤ **Imena sure:**

**El-Džasijeh** - oni koji kleče, jer Allah opisuje stanje naroda na Sudnjem danu

**Eš-Šeri'ah** - jasna vjera, jer Allah spominje da je Poslanika, sallallahu alejhi we sellem, učinio da korača jasnom vjerom

**Ed-Dehr** - vrijeme, jer se spominje vjerovanje onih koji su negirali ahiret i vjerovali da ih vrijeme uništava

## ➤ **Intencije sure:**

**Glavna intencija sure:** liječenje od slijeđenja strasti i od oholosti (koji sprečavaju slijeđenje istine) kroz prisjećanje na Ahiret

## ➤ **Teme sure:**

Suru dijelimo u 3 cjeline:

1. Uvod u kojem Allah potvrđuje Njegovu veličanstvenost kroz Kur'anske i kosmičke dokaze

2. Stav ljudi prema Allahovim ajetima i to u 5 grupa:

- lažovi i griješnici
- ehlul kitabije
- ummet islama (srednji, ispravni put)
- onaj koji je uzeo svoju strast za božanstvo (koji joj se pokorava)
- Dehrijjuni (oni koji poriču ahiret, smatrajući da ih vrijeme uništava)

3. Zaključak u kojem Allah potvrđuje da će svi narodi doći pred Njega i da će klečati, ponizni. Nakon toga Allah spominje konačnicu vjernika i nevjernika

### ➤ **Povezanost početka i kraja sure:**

Sura počinje spominjanjem Allahove veličanstvenosti i završava se istom intencijom u poslednja dva ajeta

### ➤ **Povezanost imena i intencija:**

Sura govori o liječenju oholosti i strasti i o potvrdi Ahireta. Allahova veličanstvenost, gordost na najbolji način čupaju strasti i oholost iz srca ljudi i potvrđuju vjerovanje u ahiret. Od situacija koje ukazuju na Allahovu veličanstvenost i gordost jeste da će ljudi pred Njim na Sudnjem danu klečati, pa i oni oholnici koji su Ga negirali. Zbog toga, sura oni naziv po ovom događaju, a Allah najbolje zna.

# 46. Sura El-Ahqaf

## ➤ **Imena sure:**

**El-Ahqaf** - naselje naroda Ad, o kojem Allah govori u suri

## ➤ **Intencije sure:**

**Glavna intencija sure:** uspostavljanje dokaza protiv poricatelja i upozoravanje na kaznu koja ih očekuje ako ostanu da poriču

## ➤ **Teme sure:**

Suru dijelimo u 4 cjeline:

1. Uvod u kojem Allah uspostavlja dokaze istinitosti Kur'ana i Teuhida. Zatim, potvrda poslanice Muhammeda, sallallahu alejhi we sellem, i potvrda da on nije nešto novo (poslanik) već je Allah i prije njega slao poslanike
2. Primjeri odnosa prema Allahovim naredbama. Najprije primjer Abdullaha ibn Selama, koji je prihvatio Allahove naredbe, zatim primjer jevreja koji su porekli. Zatim, primjer pokornog djeteta prema roditeljima, i nepokornog djeteta.
3. Dva kazivanja o odnosu prema Allahovoj objavi. Primjer Ahkafa (nevjernika) i primjer Džinna vjernika.
4. Zaključak koji potvrđuje prethodno

## ➤ **Povezanost početka i kraja:**

Sura upozorava poricatelje na konačnicu koja ih čeka i završava također prijetnjom poricateljima

## ➤ **Povezanost imena i intencije:**

Sura upozorava na okretanje od objave i kazne koja očekuje poricatelje. El-Ahqaf, koji je uništen strašnom kaznom zbog okretanja od objave je adekvatan naziv za suru sa spomenutom tematikom.

# 47. Sura Muhammed

## ➤ **Imena sure:**

**Muhammed** (sallallahu alejhi we sellem) - jer se spominje na početku sure

**El-Qital** - borba, jer spominje propise borbe (džihada) i podstiče vjernike na borbu

## ➤ **Intencije sure:**

**Glavna intencija sure:** kakvi trebaju biti oni koji vjeruju u Muhammeda, sallallahu alejhi we sellem

## ➤ **Teme sure:**

Suru dijelimo u 3 cjeline:

1. Uvod u kojem Uzvišeni spominje one koji poriču Poslanika, sallallahu alejhi we sellem, u one koji vjeruju u njega, te nagrade koje su pripremljene za obje skupine
2. Kakvi trebaju biti vjernici u Muhammeda, sallallahu alejhi we sellem, zatim detaljan prikaz nevjernika i munafika uz ono što očekuje svaku skupinu na ahiretu
3. Zaključak koji potvrđuje prethodno

## ➤ **Povezanost početka i kraja:**

Sura počinje naredbom na borbu protiv mušrika, a završava poniženjem i propadanjem njihovih djela na ahiretu

## ➤ **Povezanost imena i intencije:**

Sura govori o opisima vjernika čiji je poslanik Muhammed, sallallahu alejhi we sellem, pa se naziv sure sasvim uklapa sa tematikom, a Allah najbolje zna.

# 48. Sura El-Feth

## ➤ **Vrijednost sure:**

"Večeras mi je objavljena sura koja mi je, usitinu, draža od svega nad čim je Sunce izašlo."  
(Et-Tirmizi)

## ➤ **Imena sure:**

**El-Feth** - osvajanje, jer Allah spominje brojna osvajanja i blagodati u suri

## ➤ **Intencije sure:**

**Glavna intencija sure:** hajrati potvrde Imana

## ➤ **Teme sure:**

Suru dijelimo u 4 cjeline:

1. Uvod u kojem Allah spominje blagodati koje je darovao Poslaniku, sallallahu alejhi we sellem, i ashabima jer ih je učvrstio na Imanu
2. Stanje onih koji su izostali od primirja, koji su lišeni hajrata
3. Blagodati i plodovi primirja na Hudejbiji
4. Zaključak koji potvrđuje prethodno

## ➤ **Povezanost početka i kraja sure:**

Sura počinje blagodatima prema Poslaniku, sallallahu alejhi we sellem, i ashabima da bi završila istom intencijom u posljednjem ajetu.

### ➤ **Povezanost imena i intencije:**

Sura stavlja akcent na primirje na Hudejbiji, koje je za vjernike predstavljalo feth tj. osvajanje i uspjeh u da'wi. Nakon primirja, oslobođen je Hajber (uporište jevreja), Poslanik, sallallahu alejhi we sellem, je pozvao susjedne vladare u islam, muslimani su postali dominantna sila na Arabijskom poluotoku i nedugo posle primirja je došlo i oslobođenje Mekke. Sura koja govori o blagodatima zato i nosi ime El-Feth, a Allah najbolje zna.

# 49. Sura El-Hudžurat

## ➤ **Imena sure:**

**El-Hudžurat** - zbog spominjanja Poslanikovih, sallallahu alejhi we sellem, soba u suri

## ➤ **Intencije sure:**

**Glavna intencija sure:** bonton (edeb) prema Poslaniku, sallallahu alejhi we sellem, i bonton prema muslimanima

## ➤ **Teme sure:**

Suru dijelimo u 3 cjeline:

1. Uvod u kojem Allah spominje bonton prema Poslaniku, sallallahu alejhi we sellem
2. Uopćene odgojne smjernice kojih se treba pridržavati u muslimanskom društvu
3. Zaključak koji potvrđuje prethodno

## ➤ **Povezanost početka i kraja sure:**

Sura počinje usađivanjem svijesti o Allahovom nadzoru (El-Muraqabeh) u srcima vjernika, kako bi im ona olakšala primjenjivanje bontona. Najefikasniji odgojni put jeste put razvijanja svijesti o Allahovom nadzoru. Sura završava istin principom, potvrdom Allahovog apsolutnog znanja i vida.

## ➤ **Povezanost imena sure i intencija:**

Ime sure ukazuje na događaj koji se desio 9.g.h. kada je delegacija plemena Temim došla pred Poslanikove, sallallahu alejhu we sellem, sobe i dozivala ga povišenim glasom, što je loš edeb prema Poslaniku, sallallahu alejhi we sellem. Pošto sura govori o edebu, naziv po ovom događaju se sasvim uklapa u tematiku sure.

# 50. Sura Qaf

## ➤ **Vrijednost sure:**

1. Poslanik, sallallahu alejhi we sellem, bi učio na bajram-namazima suru Qaf i Iqterabetis-sa'atu wenšeqqal-qamer (suru El-Qamer) (Muslim)
2. Poslanik, sallallahu alejhi we sellem, bi držao hutbu učeći suru Qaf svakog petka, tako da ju je napamet naučila Ummu Hišam bint Hariseh ibn En-Nu'man (Muslim)

## ➤ **Imena sure:**

**Qaf** - jer počinje ovom kraticom

## ➤ **Intencije sure:**

**Glavna intencija sure:** proživljenje na Sudnjem danu

## ➤ **Teme sure:**

Suru možemo podijeliti u 3 cjeline:

1. Uvod koji potvrđuje činjenicu proživljenja jasnim racionalnim (razumskim) dokazima
2. Potvrda proživljenja kroz potvrdu Allahovog apsolutnog znanja i kroz događaje koji će se desiti na Sudnjem danu
3. Potvrda prethodno spomenutog

## ➤ **Povezanost početka i kraja:**

Sura počinje zakletvom Uzvišenog Kur'anom, da bi se sura također završila spominjanjem Kur'ana



### ➤ **Povezanost intencije i imena sure:**

Kratica potvrđuje mu'džizu Kur'ana. Onaj koji je kadar objaviti Kur'an kadar je proživjeti stvorenja na Sudnjem danu. Također, ono što najbolje potvrđuje vjerovanje u ahiret i čime je najbolje pozivati ljude jeste Kur'an, pa kratica ukazuje na ove dvije stvari, a Allah najbolje zna.

# 51. Sura Ez-Zarijat

## ➤ **Imena sure:**

**Ez-Zarijat** - oni koji uzdižu prašinu, jer počinje Allahovom zakletvom vjetrovima

## ➤ **Intencije sure:**

**Glavna intencija sure:** Allah je Onaj koji priživiljava nakom smrti kao što je On taj koji daje opskrbu

## ➤ **Teme sure:**

Suru dijelimo u 4 cjeline:

1. Uvod u kojem se Uzvišeni Allah kune sebebima opskrbe koje je pripremio robovima da ukaže time da je Sudnji dan neizbježan
2. Potvrda Allahove moći da proživi stvorenja spominjanjem konačnice nevjernika i vjernika
3. Kazivanja koja ističu Allahovu opskrbu robovima
4. Zaključak koji potvrđuje prethodno

## ➤ **Povezanost početka i kraja sure:**

Sura počinje potvrdom ahireta preko opskrbe, da bi se završila istom metodom

## ➤ **Povezanost imena i intencije:**

Pošto sura stavlja akcenat na opskrbu pa nosi naziv po prvom sebebu i nosiocu opskrbe koji je spomenut u suri - vjetrovima.

## 52. Sura Et-Tur

### ➤ **Imena sure:**

**Et-Tur** - brdo, jer sura počinje Allahovom zakletvom brdom

### ➤ **Intencije sure:**

**Glavna intencija sure:** pobijanje sumnji i šubhi po pitanju Sudnjeg dana

### ➤ **Teme sure:**

Suru dijelimo u 4 cjeline:

1. Uvod u kojem se Allah zaklinje mjestima objave da je Sudnji dan istina i da je neizbježan
2. Konačnica poricatelja Sudnjeg dana i konačnica onih koji su vjerovali i pripremali se za njega
3. Odgovor na šubhe poricatelja po pitanju Sudnjeg dana
4. Zaključak koji potvrđuje prethodno

### ➤ **Povezanost početka i kraja sure:**

Sura na početku spominje da će Allahova kazna sigurno doći a završava se potvrdom kazne koja će zadesiti zulumčare

### ➤ **Povezanost imena sure i intencije:**

Sura govori o potvrdi Sudnjeg dana i upozorava poricatelje da ih čeka teška kazna ako nastave svoje nevjerstvo. Pošto je objava način preko kojeg je Allah upozoravao nevjernike i pobijao njihove šubhe spram vjerovanja u ahiret, sura nosi naziv po jednom od mjesta u kojem je spuštao objavu.

# 53. Sura En-Nedžm

## ➤ **Imena sure:**

**En-Nedžm** - zvijezda, jer se Allah zaklinje zvijezdom na početku sure

## ➤ **Intencije sure:**

**Glavna intencija sure:** istinitost Allahove objave poslanicima

## ➤ **Teme sure:**

Suru možemo podijeliti u 3 cjeline:

1. Uvod u kojem se Uzvišeni kune zvijezdom da je objava Poslaniku, sallallahu alejhi we sellem istina, zatim opisuje Mi'radž kao istinit događaj, ne kao san
2. Pobijanje širka u raznim formama i pojašnjavanje da je on produkt neznanja nevjernika, te spominjanje činjenica koje ukazuju na istinitost Objave i da ona nosi znanje
3. Zaključak koji potvrđuje prethodno

## ➤ **Povezanost početka i kraja:**

Kao što počinje potvrdom objave Poslaniku, sallallahu alejhi we sellem, a završava potvrdom da je Poslanik, sallallahu alejhi we sellem, kao i prethodni poslanici kojima je Allah slao objavu i da njegov narod negira iz neznanja kao što su negirali i prijašnji narodi

## ➤ **Povezanost imena i intencija:**

Sura govori o potvrdi objave i u ništavnosti širka. Zvijezda koja pada simbolizira širk koji će pasti i nestati sa jedne strane, dok sa druge strane zvijezda signalizira ljepotu i svjetlo objave koja se objavljuje Poslaniku, sallallahu alejhi we sellem.

# 54. Sura El-Qamer

## ➤ **Vrijednost sure:**

Poslanik, sallallahu alejhi we sellem, bi učio suru El-Qamer i Qaf na bajram-namazima (Muslim)

## ➤ **Imena sure:**

**El-Qamer** - mjesec, jer Allah spominje ovo nebesko tijelo na početku sure

## ➤ **Intencije sure:**

**Glavna intencija sure:** Allahov sunnet na Zemlji po pitanju onih koji utjeruju poslanike i ajete u laž

## ➤ **Teme sure:**

Suru dijelimo u 3 cjeline

1. Uvod u kojem Uzvišeni prijete ahiretskom kaznom nevjernicima kojima nije bilo dovoljno da povjeruju posmatranje jasnih mu'džiza na dunjaluku, od kojih je i racjepljenje mjeseca
2. Kazivanja o konačnici naroda koji su porekli objavu
3. Zaključak koji potvrđuje prethodno

## ➤ **Povezanost početka i kraja sure:**

Sura počinje prijetnjom nevjernicima a završava se konačnicom vjernika

### ➤ **Povezanost imena sure i intencija:**

Racjepljenje mjeseca, koji je za arape bio pojam ljepote i sredstvo računanja vremena, za kojeg su bili izuzetno vezani ukazuje na apsolutno Allahovo znanje i moć, gdje bira za mu'džize ono što je najupečatljivije prisutnom narodu. Ipak, pored svega toga, oni nisu povjerovali, pa je u suri olakšanje Poslaniku, sallallahu alejhi we sellem, da ustraje u pozivu, jer su i prijašnji poslanici utjerani u laž iako su imali mu'džize. Sa druge strane, u nazivu sure El-Qamer je prijetnja poricateljima, da Onaj koji je kadar rascijepiti mjesec na dvije polovine kadar je uništiti narode, makar bili svjetska sila poput Faraone i drugih.

# 55. Sura Er-Rahman

## ➤ **Imena sure:**

**Er-Rahman** - Milostivi, jer počinje ovim Allahovim imenom

## ➤ **Intencije sure:**

**Glavna intencija sure:** poziv u Teuhid i vjerovanje u Allaha kroz prizmu Allahovih blagodati na dunjaluku i ahiretu

## ➤ **Teme sure:**

Suru dijelimo i 2 cjeline

1. Prvu, u kojoj Allah spominje blagodati ljudima i džinnima na dunjaluku
2. Drugu, u kojoj Allah spominje Allahove blagodati ljudima i džinnima na ahiretu

## ➤ **Povezanost početka i kraja sure:**

Sura počinje blagodatima na dunjaluku, a završava blagodatima na ahiretu

## ➤ **Povezanost imena i intencije:**

Pošto sura govori o blagodatima, sura nosi ime po Allahovom imenu Er-Rahman, koje znači Milostivi, Onaj koji posjeduje apsolutnu milost

# 56. Sura El-Waqiah

## ➤ **Imena sure:**

**El-Waqiah** - Neizbježan događaj, jer govori o Sudnjem danu, čije je jedno od imena El-Waqiah

## ➤ **Intencije sure:**

**Glavna intencija sure:** potvrda neizbježnosti Sudnjeg dana, te boravište vjernika i nevjernika toga dana

## ➤ **Teme sure:**

Suru možemo podijeliti u 4 cjeline:

1. Uvod u kojem Allah spominje neke od strahota Sudnjeg dana
2. Detaljno pojašnjenje konačnice 3 skupine ljudi
3. Racionalnu dokazi istinitosti Sudnjeg dana i Allahove moći da proživi stvorenja nakon smrti
4. Zaključak koji potvrđuje prethodno

## ➤ **Povezanost početka i kraja sure:**

Sura počinje potvrdom Sudnjeg dana da bi se završila istom intencijom

## ➤ **Povezanost imena i intencije sure:**

Pošto sura govori o neizbežnosti Sudnjeg dana, ime sure se sasvim poklapa sa tematikom



# 57. Sura El-Hadid

## ➤ **Imena sure:**

**El-Hadid** - gvožđe, jer Allah spominje blagodat spuštanja gvožđa stvorenjima

## ➤ **Intencije sure:**

**Glavna intencija sure:** izgradnja imanske i materijalne snage koja tjera na da'wu (misionarstvo) i džihad uz spominjanje lijeka za tvrdoću srca - udjeljivanje na Allahovom putu

## ➤ **Teme sure:**

Sura dijelimo u 3 cjeline:

1. Uvod u kojem Uzvišeni spominje Njegova savršena svojstva iz kojih proizilazi obožavanje samo Njega
2. Podsticaj na udjeljivanje na Allahovom putu zarad pomaganja vjere, uz spomen nagrade vjernika i munafika na Sudnjem danu
3. Zaključak koji potvrđuje prethodno

## ➤ **Povezanost početka i kraja sure:**

Sura počinje naredbom na iman uz spomen naredbe na udjeljivanje da bi se završila Allahovim svojstvom veličanstvene dobrote

## ➤ **Povezanost iman sure i intencije:**

Sura govori o udjeljivanju tijela i imetka na Allahovom putu (džihadu). Naziv sure po gvožđu je podudarno jer je u njemu snaga koja je potrebna za uspostavu pravde i poraz neprijatelja.

# 58. Sura El-Mudžadeleh

## ➤ **Imena sure:**

**El-Mudžadeleh** - rasprava, jer spominje raspravu između Haule bint Sa'lebeh i njenog muža Eusa ibn Es-Samita, radijallahu anhum

**El-Mudžadileh** - ona koja se raspravlja tj. Haula bint Sa'lebeh

**Qad Semi'a** - Uistinu je čuo, jer počinje ovom sintagmom

## ➤ **Intencije sure:**

**Glavna intencija sure:** potvrda Allahovog apsolutnog znanja i odgoj vjernika da se pridržavaju Allahovih granica

## ➤ **Teme sure:**

Suru dijelimo u 3 cjeline:

1. Uvod u kojem Uzvišeni kroz događaj rasprave potvrđuje Allahovo apsolutno znanje, sluh i vid
2. Odgoj vjernika da se pridržavaju Allahovih granica
3. Zaključak koji povezuje i potvrđuje prethodno

## ➤ **Povezanost početka i kraja sure:**

Sura počinje spominjanjem Allahovog apsolutnog znanja, a završava istom intencijom

## ➤ **Povezanost imena i intencije sure:**

Sura govori o potvrdi Allahovog znanja i izgrađivanju svijesti kod ljudi o tome kako bi se odgojili da čuvaju Allahove propise. Događaj rasprave i propisi koji se spominju zajedno sa događajem na najbolji način ističu intenciju sure pa sura nosi naziv po raspravi, a Allah najbolje zna.

# 59. Sura El-Hašr

## ➤ **Imena sure:**

**El-Hašr** - okupljanje, jer Allah spominje prvo okupljanje u suri

**Banin-Nedir** - jer sura spominje borbu protiv jevrejskog plemena Benun-Nedir

## ➤ **Intencije sure:**

**Glavna intencija sure:** Allahova moć da uzdigne vjernike i ponizi nevjernike

## ➤ **Teme sure:**

Suru dijelimo u 4 cjeline:

1. Uvod u kojem Allah spominje potvrdu Njegove apsolutne moći
2. Blagodati koje je darovao vjernicima
3. Poraz ehul-kitabija i njihove braće munafika
4. Zaključak kao potvrda prethodnog

## ➤ **Povezanost imena i intencije:**

Sura počinje veličanjem Allaha i završava se veličanjem Allaha. Sura u prvom ajetu spominje imena Silni i Mudri i završava se istim imenima.

## ➤ **Povezanost imena i intencije sure:**

El-Hašr je u izvornom jezičkom značenju, kako kaže imam El-Asfehani, rahimehullah:

"izvođenje skupine ljudi iz njihovih boravišta i njihovo protjerivanje u rat i drugo."

(Mufradatu elfazi'l-Kur'an) Protjerivanje jevreja iz njihovih utvrđenih domova jasno ukazuje na Allahovu moć, pa sura nosi ime po tome.

## 60. El-Mumtehaneh

### ➤ **Imena sure:**

**El-Mumtehaneh** - ispitana, jer govori o testuranju vjernica muhadžirki

**El-Mumtehineh** - ona koja testira tj. ova sura

### ➤ **Intencije sure:**

El-Wela' we'l-Bera' (ljubav u ime Allaha i mržnja i odricanje u ime Allaha) što predstavlja test i ispit za vjernike

### ➤ **Teme sure:**

Suru dijelimo u 3 cjeline:

1. Uvod u kojem Allah pojašnjava načela El'Wela we'l-Bera
2. Poziv u slijeđenje Ibrahima, kao najljepšeg primjera, u načelu El-Wela we'l-Bera, i pojašnjenje nekih propisa koji se vezuju za ovu temu
3. Zaključak koji potvrđuje prethodno

### ➤ **Povezanost početka i kraja sure:**

Sura u prvom ajetu zabranjuje uzimanje nevjernika za prisne prijatelje i završava se istom intencijom

### ➤ **Povezanost imena i intencije:**

Allah u ovoj suri pojašnjava jedan od temelja imanske zajednice, ljubav u ime Allaha i mržnja u ime Allaha. Ovaj temelj je izuzetan test vjericima, pa sura dobija naziv po njemu.

# 61. Sura Es-Saff

## ➤ **Imena sure:**

**Es-Saff** - red, jer spominje mudžahide poređane u redove

## ➤ **Intencije sure:**

**Glavna intencija sure:** poziv u ujedinjenje srca vjernika na Teuhidu i Allahovo uzdizanje islama nad ostalim vjerama

## ➤ **Teme sure:**

Sura dijelimo u 3 cjeline:

1. Uvod u kojem Allah poziva vjernike da ujedine srca, a posebno prilikom borbe na Allahovom putu
2. Gubljenje povlastice Allahove pomoći kod jevreja, koji su se razišli sa njihovim poslanicima, iako su znali da je Allahova vjera istina
3. Zaključak koji potvrđuje prethodno

## ➤ **Povezanost početka i kraja:**

Sura počinje pozivom u ujedinjenje srca vjernika radi pomoći i usluge vjeri islama, a završava primjerom apostola, koji su se ujedinili da pomognu Allahovog Poslanika Isu, alejhis selam.

## ➤ **Povezanost imena i intencije sure:**

Sura govori o jedinstvu muslimana i Allahovoj pomoći pa je simbol jedinstvenog saffa na Teuhidu razlog što sura nosi dato ime, a Allah najbolje zna.

## 62. Sura El-Džumu'ah

### ➤ **Imena sure:**

El-Džumu'ah - Džuma, jer je jedina sura koja spominje Džumu-namaz

### ➤ **Intencije sure:**

**Glavna intencija sure:** blagodat ovom ummetu slanjem Poslanika, sallallahu alejhi we sellem, što iziskuje njegovo slijedenje i očuvanje vjere islama

### ➤ **Teme sure:**

Suru dijelimo u 3 cjeline:

1. Uvod u kojem Uzvišeni spominje blagodat slanja Poslanika, sallallahu alejhi we sellem
2. Upozoravanje na povodjenje za jevrejima koji su pronevjerili emanet čuvanja vjere i slijedenja njihovih poslanika
3. Zaključak koji potvrđuje prethodno

### ➤ **Povezanost početka i kraja sure:**

Sura počinje pozivom na slijedenje Poslanika, sallallahu alejhi we sellem, a završava upozoravanjem na zauzetost i poigravanje dunjalukom koje će rezultirati ostavljanje Poslanikove, sallallahu alejhi we sellem, prakse.

### ➤ **Povezanost imena sure i intencija:**

Riječ el-džumu'ah ukazuje na skupljanje i ujedinjavanje, aludirajući na okupljanje muslimana oko slijedenja Poslanika, sallallahu alejhi we sellem, pa sura nosi dati naziv, a Allah najbolje zna.

# 63. Sura El-Munafiqun

## ➤ **Imena sure:**

**El-Munafiqun** - licemjeri, jer govori o njihovom halu

## ➤ **Intencije sure:**

**Glavna intencija sure:** pojašnjavanje bolesti licemjerstva i upozoravanje vjernika na licemjerstvo

## ➤ **Teme sure:**

Suru dijelimo u 2 cijeline:

1. Prvi dio u kojem Allah spominje bolesti licemjera i njihov loš bonton
2. Drugi dio u kojem Uzvišeni upozorava vjernike na munafike

## ➤ **Povezanost početka i kraja sure:**

Sura počinje pojašnjenjem da Allah zna ono što je u srcima licemjera, a završava pojašnjenjem da će Allah obračunati sve robove na Sudnjem danu i da je On apsolutno zna ono što rade Njegovi robovi.

## ➤ **Povezanost imena i intencija sure:**

Sura govori o licemjerima pa nosi naziv po njima.

# 64. Sura Et-Tegabun

## ➤ **Imena sure:**

**Et-Tegabun** - manjkavost, varka i poraz. Sura nosi ovaj naziv jer ovo čeka nevjernike na Sudnjem danu

## ➤ **Intencije sure:**

**Glavna intencija sure:** upozoravanje na Tegabun na Sudnjem danu

## ➤ **Teme sure:**

Suru dijelimo u 4 cjeline:

1. Uvod u kojem Uzvišeni potvrđuje Njegovu moć da proživi i obračuna robove
2. Upozoravanje na Tegabun, koji će sigurno zadesiti nevjernike na Sudnjem danu
3. Upozoravanje vjernika na manjkavost (popuštanje) u pogledu vjere kako ne bi doživjeli konačnicu nevjernika
4. Zaključak koji potvrđuje prethodno

## ➤ **Povezanost početka i kraja sure:**

Sura počinje potvrdom Allahove moći da proživi i obračuna robove, a završava se istom intencijom uz poziv na neškrtačenje u pogledu dobrih djela.

## ➤ **Povezanost imena sure i intencija:**

Pošto sura upozorava na strašni gubitak, varku i manjkavost nevjernika na Sudnjem danu, sura nosi naziv Et-Tegabun.



# 65. Sura Et-Talaq

## ➤ **Imena sure:**

**Et-Talaq** - razvod, jer govori detaljno o pripisima razvoda braka

**En-Nisau'l-Qusra** - manja sura En-Nisa, jer govori o propisima vezanim za žene

## ➤ **Intencije sure:**

**Glavna intencija sure:** poziv u pridržavanje Allahovih propisa vezanih za razvod uz podsticaj na bogobožnost, koja je sebeb očuvanja porodice, zajednice i ummeta (nacije).

## ➤ **Teme sure:**

Suru dijelimo u 2 cjeline:

1. Propisi razvoda uz podsticaj na bogobožnost
2. Konačnica onih koji su bili nepokorni spram naredbi njihovog Gospodara.

## ➤ **Povezanost početka i kraja sure:**

Kao što počinje počinje naredbom na bogobožnost, sura pred kraj ponovo naređuje bogobožnost.

## ➤ **Povezanost imena i intencije sure:**

Pošto sura govori o razvodu braka nazvana je po njemu.

# 66. Sura Et-Tahrim

## ➤ **Imena sure:**

**Et-Tahrim** - zabranjivanje, jer sura govori o događaju u kojem je Poslanik, sallallahu alejhi we sellem, zabranio sebi med radi nekih njegovih žena, radijallahu anhunne.

## ➤ **Intencije sure:**

**Glavna intencija sure:** odgajanje Poslanikove, sallallahu alejhi we sellem, porodice kako bi bila uzor ostalim porodicama i zajednici.

## ➤ **Teme sure:**

Suru dijelimo u 3 cjeline:

1. Uvod u kojem Allah spominje događaj zabranjivanja i odgojne smernice iz datog događaja
2. Odgovornost čuvanja porodice kroz prizmu konačnice nevjernika i vjernika
3. Zaključak koji potvrđuje preredno primjerima Nuhove i Lutove, alejhimus selam, žene, koje su bile nevjernice iako su im muževi bili poslanici, zatim primjerom Asje, rahimehallah, žene Faraone, koja je bila vjernica iako joj je čovjek bio jedan od najvećih zulumčara i nevjernika, te na kraju primjer Merjeme, najodabranije žene.

## ➤ **Povezanost početka i kraja sure:**

Sura počinje događajem vezanim za Aišu i Hafsu, radijallahu anhuma a završava se primjerima žena poslanika i odabranih vjernica (Asje i Merjeme)

## ➤ **Povezanost imena i intencija sure:**

Sura govori o odgoju porodice, a događaj zabranjivanja meda u sebi sadrži smjernice i intencije koje sadrži sura, pa nosi naziv po datom događaju. A Allah najbolje zna.

# 67. Sura El-Mulk

## ➤ Vrijednost sure:

1. Rekao je Allahov Poslanik, sallallahu alejhi we sellem: "*Sura Tebarak sprečava kabursku kaznu.*" (Hakim)

2. Rekao je Allahov Poslanik, sallallahu alejhi we sellem: "*Uistinu postoji jedna sura u Kur'anu, koja ima 30 ajeta, koja će se zauzimati za njenog učača sve dok mu ne bude oprošteno. Ona je: Tebarake'lezi bijedihi'l-mulk.*" (Ebu Davud, Tirmizi)

## ➤ Imena sure:

**El-Mulk** - vlast, jer govori o Allahovom upravljanju i vlasti

**Tebarak** - veliko dobro, jer sura počinje ovim glagolom

**El-Mani'atu we'l-Mundžijetu** - ona koja sprečava i ona koja spašava, jer spašava od kazne u kaburu

## ➤ Intencije sure:

**Glavna intencija sure:** u Allahovoj ruci je vlast dunjaluka i ahireta

## ➤ Teme sure:

Suru dijelimo u 4 cjeline:

1. Uvod u kojem Allah spominje dokaze Njegove moći koji ukazuju na Njegovu apsolutnu vlast
2. Opis određenih događaja na ahiretu koji ukazuju na Allahovu apsolutnu vlast na ahiretu
3. Potvrda Allahove moći i znanja preko opažanja dunjaluka
4. Zaključak koji potvrđuje prethodno

➤ **Povezanost početka i kraja:**

Sura počinje potvrdom da je u Allahovoj ruci vlast dunjaluka i ahireta, a završava se istom intencijom.

➤ **Povezanost imena i intencije:**

Pošto sura govori o potvrdi Allahove vlasti na dunjaluku i ahiretu, nosi naziv El-Mulk.

# 68. Sura El-Qalem

## ➤ **Imena sure:**

**El-Qalem** - pero, jer se Allah zaklinje perom na početku sure

**Nun** - jer počinje ovom kraticom

## ➤ **Intencije sure:**

**Glavna intencija sure:** potvrda apsolutnog znanja gajba Onoga koji objavljuje Kur'an i potvrda vjerovanja u kader i Allahovo određenje koje iziskuje negiranje laži da je Poslanik, sallallahu alejhi we sellem, lud.

## ➤ **Teme sure:**

Suru dijelimo u 3 cjeline:

1. Uvod u kojem Allah potvrđuje Njegovo apsolutno znanje i određenje iz kojeg proizilazi ništavnost govora mušrika da je Poslanik, sallallahu alejhi we sellem, lud.
2. Olakšanje i podrška Poslaniku, sallallahu alejhi we sellem, i odgovor poricateljima preko ajeta koji ističu i potvrđuju Allahovo apsolutno znanje i savršeno određenje i kader.
3. Zaključak koji potvrđuje prethodno

## ➤ **Povezanost početka i kraja sure:**

Sura počinje negiranjem ludosti Poslanika, sallallahu alejhi we sellem, a završava istom intencijom.

## ➤ **Povezanost imena i intencije:**

Sura govori o potvrdi Allahovog znanja i kadera iz kojeg proizilazi da Onaj koji apsolutno poznaje i ima znanje o svemu i Onaj koji je odredio kader svih stvorenja je apsolutno uzvišen od toga da Njegov poslanik i onaj koji prenosi Njegovu poslanicu (Kur'an) ljudima bude lud, već Allahovo apsolutno znanje i kader ukazuju da je onaj koji je Njegov poslanik zapravo onaj sa neprekidnom nagradom, veličanstvenog ahlaka. Ime sure apsolutno ukazuje na ovu intenciju, jer je pero ono čime je napisan kader u Pomno čuvanoj ploči i odabir konkretno pera (a ne Pomno čuvane ploče, ili riječi Kader za ime sure) ima simboliku da se ukaže da je to nešto što je Allah već odredio i pero zapisalo i tinta se osušila i nema nikakve sumnje u ostvarenje Allahovog kadera.

# 69. Sura El-Haqqah

## ➤ **Imena sure:**

**El-Haqqah** - istinita, jer govori o Sudnjem danu

## ➤ **Intencije sure:**

**Glavna intencija sure:** istinitost Sudnjeg dana

## ➤ **Teme sure:**

Suru dijelimo u 3 cjeline:

1. Uvod u kojem Allah zastrašuje Sudnjim danom koji je istinit događaj uz pojašnjenje konačnice nekih naroda koji su negirali Sudnji dan
2. Neki od događaja na Sudnjem danu koji ukazuju na istinitost Sudnjeg dana
3. Zaključak koji potvrđuje prethodno

## ➤ **Povezanost početka i kraja sure:**

Sura počinje potvrdom istinitosti Sudnjeg dana i završava se istom intencijom

## ➤ **Povezanost imena sure i intencija:**

Sura govori o istinitosti Sudnjeg dana i nosi naziv po tome.

# 70. Sura El-Me'aridž

## ➤ **Imena sure:**

**El-Me'aridž** - visoke deredže, jer Allah spominje da je vlasnik visokih deredža

**Se'ele sa'il** - jer počinje ovom glagolskom rečenicom

## ➤ **Intencije sure:**

**Glavna intencija sure:** pojašnjenje dužine Sudnjeg dana koji će se bez ikakve sumnje desiti, zatim propasti nevjernika u njemu i podsticaj vjernika da se pripreme za ovaj dan i dobiju visoke deredže od Vlasnika visokih deredža i blagodati.

## ➤ **Teme sure:**

Suru dijelimo u 4 cjeline:

1. Uvod u kojem Allah odgovara nevjernicima koji negiraju Sudnji dan dužinom Sudnjeg dana i njegovom blizinom
2. Neki od prizora Sudnjeg dana uz spomen konačnice nevjernika, koji su poricali zbog nemarnosti i gafleta.
3. Priprema vjernika za taj dan spominjanjem djela kojima se trebaju okititi uz dodatno motivisanje konačnicom koja ih očekuje
4. Zaključak kao potvrda prethodnog

## ➤ **Povezanost početka i kraja sure:**

Sura počenje odgovorom na tvrdnje nevjernika, a završava se njihovom konačnicom u Danu koji im je obećan.



➤ **Povezanost imena i intencije sure:**

Pošto sura podstiče ljude na vjersko uzdizanje djelima koja će ih sačuvati strahota Dana koji traje pedeset hiljada godina, sura nosi naziv po deredžama.

# 71. Sura Nuh

## ➤ **Imena sure:**

**Nuh** - jer kazuje jedino o Nuhu, alejhis selam

## ➤ **Intencije sure:**

**Glavna intencija sure:** uzor i urnek vjerskim misionarima (dajjama)

## ➤ **Teme sure:**

Suru dijelimo u 3 cjeline:

1. Uvod u kojem Allah spominje ukratko Nuhovu misiju pozivanja u Teuhid uz svjedočenje Allaha da nije škrtario i bio manjkav u pogledu pozivanja svog naroda.
2. Metode Nuhove da'we
3. Zaključak u kojem Allah ističe Nuhovu mržnju nevjernika i ljubav vjernika do Sudnjeg dana.

## ➤ **Povezanost početka i kraja sure:**

Sura počinje Nuhovom misijom i ljubavlju prema imanu, a završava ljubavlju prema nosiocima imana do Sudnjeg dana.

## ➤ **Povezanost imena i intencije:**

Sura govori o islamskom misionarstvu, čiji je simbol Nuh alejhis selam, pa nosi ime po njemu.

# 72. Sura El-Džinn

## ➤ **Imena sure:**

**El-Džinn** - džinni, jer Allah detaljno govori o njima u ovoj suri

## ➤ **Intencije sure:**

**Glavna intencija sure:** potvrda objave Kur'ana i da je od Allaha kroz vjerovanje skupine džinna i pobijanje tvrdnji muškrika spram džinna.

## ➤ **Teme sure:**

Suru dijelimo u 3 cjeline:

1. Uvod u kojem Uzvišeni spominje ispravnost vjerovanja jedne skupine džinna.
2. Pojašnjavanje ispravnog vjerovanja skupine džinna
3. Zaključak koji potvrđuje prethodno

## ➤ **Povezanost početka i kraja sure:**

Sura počinje ispravnim vjerovanjem skupine džinna, od čega je i vjerovanje da nemaju znanja o gajbu (kako vjeruju neki ljudi) a završava se pozivom ljudi u iman uopćeno i vjerovanje da samo Allah zna gajb posebno, kao što je i skupina džinna povjerovala.

## ➤ **Povezanost imena sure i intencija:**

Sura govori o džinnima pa i nosi naziv po njima.

## 73. Sura El-Muzzemmil

### ➤ **Imena sure:**

**El-Muzzemmil** - onaj koji je umotan, jer se Allah obraća Poslaniku, sallallahu alejhi we sellem, na početku sure ovim opisom.

### ➤ **Intencije sure:**

**Glavna intencija sure:** poziv u praktikovanje noćnog namaza koji olakšava imanske obaveze.

### ➤ **Teme sure:**

Suru dijelimo u 3 cjeline:

1. Uvod u kojem Allah poziva Poslanika, sallallahu alejhi we sellem, u praktikovanje noćnog namaza koji će ga pomoći u da'wi.
2. Kazivanja o nevjernicima koji su dali prednost rahatluku i odmoru dunjaluka nad imanskim i šerijatskim obavezama.
3. Zaključak koji potvrđuje prethodno.

### ➤ **Povezanost početka i kraja sure:**

Sura počinje noćnim namazom i završava istim.

### ➤ **Povezanost imena sure i intencija:**

Riječ "El-Muzzemmil" aludira na početak objave i dolazak Džibrila od čega je Poslanik, sallallahu alejhi we sellem, imao strah i poteškoću. U tome je priprema Poslanika, sallallahu alejhi we sellem, za misiju da'we a u ovoj suri je lijek za poteškoće u vidu noćnog namaza, pa se ime sure poklapa sa intencijama.

## 74. Sura El-Muddessir

### ➤ **Imena sure:**

**El-Muddessir** - ovaj koji je prekriven odjećom, jer se Allah obraća Poslaniku, sallallahu alejhi we sellem, ovim opisom na početku sure

### ➤ **Intencije sure:**

**Glavna intencija sure:** trud i zalaganje na polju da'we upozoravanjem nevjernika Kur'anom i ahiretom.

### ➤ **Teme sure:**

Suru dijelimo u 3 cjeline:

1. Uvod u kojem Uzvišeni naređuje Poslaniku, sallallahu alejhi we sellem, da poziva ljude uz trud i požrtvovanje i da sabura na misiji.
2. Konačnica poricatelja Kur'ana na ahiretu.
3. Zaključak koji potvrđuje prethodno.

### ➤ **Povezanost početka i kraja sure:**

Sura počinje naredbom na trud u polju da'we da bi se završila pojašnjenjem da je u Kur'anu opomena.

### ➤ **Povezanost imena sure i intencije:**

Sura, kao i prethodna, poziva Poslanika, sallallahu alejhi we sellem, da se ne boji. U prethodnoj Allah spominje pomoć za ustrajnost, dok u ovoj naredbi na trud i požrtvovanje. Događaj pokrivanja odjećom ukazuje na strah, a sura naređuje na ustajanje i hitrost na polju da'we, pa se ime sure poklapa sa intencijama.

# 75. Sura El-Qijameh

## ➤ **Imena sure:**

El-Qijameh - Sudnji dan, jer Allah govori o njemu kroz cijelu suru.

## ➤ **Intencije sure:**

Glavna intencija sure: Sudnji dan.

## ➤ **Teme sure:**

Suru dijelimo u 3 cjeline:

1. Uvod u kojem Allah spominje poricanje Sudnjeg dana od strane nevjernika i pobija njihove tvrdnje.
2. Neki od događaja na Sudnjem danu koju ukazuju na njegovu istinitost
3. Zaključak koji potvrđuje prethodno.

## ➤ **Povezanost početka i kraja sure:**

Sura počinje potvrdom da je Allah kadar proživjeti ljude, a završava se potvrdom da ih je stvorio prvi put i da je Onaj koji je kadar stvoriti ni iz čega kadar proživjeti stvorenja.

## ➤ **Povezanost imena i intencije:**

Glavna intencija sure je Sudnji dan pa sura nosi naziv po njemu.

# 76. Sura El-Insan

## ➤ **Imena sure:**

**El-Insan** - čovjek, jer govori o čovjeku.

**Ed-Dehr** - vrijeme, jer spominje na početku sure vrijeme u kojem je čovjek bio bez spomena.

## ➤ **Intencije sure:**

**Glavna intencija sure:** podsjećanje ljudi na njihov nastanak, mudrost stvaranja i konačnicu ili u Džennet ili u Vatru uz spomen blagodati Dženneta kao potporu vjernicima i kao motivaciju nevjernicima (da povjeruju).

## ➤ **Teme sure:**

Suru dijelimo u 3 cjenile:

1. Uvod u kojem Uzvišeni spominje Svoju moć stvaranja čovjeka, njegovog proživljenja i obračuna.
2. Opis djela vjernika, zatim opis nagrade za djela vjernika na Sudnjem danu
3. Zaključak koji potvrđuje prethodno.

## ➤ **Povezanost početka i kraja sure:**

Sura počinje potvrdom Allahove moći stvaranja čovjeka i konačnicom vjernika i nevjernika, a završava konačnicom obje skupine.

## ➤ **Povezanost imena i intencije:**

Sura govori o čovjeku kroz prizmu njegovog nastanka, mudrosti zašto je stvoren i njegove konačnice, pa sura nosi naziv po njemu.

# 77. Sura El-Murselat

## ➤ **Imena sure:**

**El-Murselat** - vjetrovi, jer se Allah zaklinje njima na početku sure.

## ➤ **Intencije sure:**

**Glavna intencija sure:** potvrda Sudnjeg dana kroz pobijanje nevjerničkih dokaza i kroz prijetnju i zastrašivanje.

## ➤ **Teme sure:**

Suru dijelimo na 3 cjeline:

1. Uvod u kojem se Allah zaklinje da je Sudnji dan neizbježan.
2. Strahote Sudnjeg dana i konačnica vjernika i nevjernika uz pobijanje tvrdnji poricatelja jasnim dokazima
3. Zaključak koji potvrđuje prethodno.

## ➤ **Povezanost početka i kraja sure:**

Sura počinje zakletvom na istinitost Sudnjeg dana uz spomen Kur'anskim i razumskih dokaza, da bi završila prijekorom poricatelja i potvrdom Kur'ana, u kojeg trebaju vjerovat, koji u sebi sadrži potvrdu Sudnjeg dana.

## ➤ **Povezanost imena i intencije sure:**

Sura govori o potvrdi Sudnjeg dana. Slanje vjetrova rezultira padavinama i životu zemlje, nakon što je bila suha i bez života. Kao što oživljava suhu zemlju, Allah je kadar proživjeti ljude na Sudnjem danu, pa sura nosi naziv po vjetrovima, a Uzvišeni Allah najbolje zna.



# 78. Sura En-Nebe'

## ➤ **Imena sure:**

**En-Nebe'** - važna vijest, jer govori o Sudnjem danu

**Amme** - jer počinje ovom konstrukcijom

**Amme jetesa'elun** - jer počinje ovom konstrukcijom

**El-Mu'sirat** - oblaci, jer govori o oblacima i spuštanju kiše

## ➤ **Intencije sure:**

**Glavna intencija sure:** potvrda proživljenja i naglašavanje veličine Sudnjeg dana

## ➤ **Teme sure:**

Suru dijelimo u 3 cjeline:

1. Uvod u kojem Uzvišeni naglašava veličinu i status Sudnjeg dana te potvrda istinitosti proživljenja jasnim dokazima
2. Konačnica vjernika i nevjernika u ovom Velikom danu
3. Zaključak koji potvrđuje prethodno.

## ➤ **Povezanost početka i kraja sure:**

Sura počinje pitanjem poricatelja o Sudnjem danu a završava potvrdom njegove istinitosti.

## ➤ **Povezanost imena sure i intencije:**

Sura govori o veličini Sudnjeg dana i sasvim joj odgovara riječ En-Nebe' jer ima značenje velike, bitne vijesti.

# 79. Sura En-Nazi'at

## ➤ **Imena sure:**

**En-Nazi'at** - melec koji čupaju duše nevjernika, jer počinje Allahovom zakletvom njima

## ➤ **Intencije sure:**

**Glavna intencija sure:** potvrda Sudnjeg dana i upozorenje nevjernicima kroz zaduženja meleka prilikom smrtnog časa ljudi i njihovih zaduženja na Sudnjem danu.

## ➤ **Teme sure:**

Suru dijelimo u 3 cjeline:

1. Uvod u kojem Uzvišeni spominje zaduženja meleka prilikom smrtnog časa i na Sudnjem danu kako bi potvrdio proživljenje i obračun na Sudnjem danu.
2. Potvrda Allahove moći kroz kazivanja o uništenju poricatelja i kroz govor o stvaranju nebesa i Zemlje, iz čega proizilazi potvrda Sudnjeg dana.
3. Zaključak koji potvrđuje prethodno.

## ➤ **Povezanost početka i kraja sure:**

Sura počinje opomenom na Sudnji dan kroz zaduženja meleka da bi završila opomenom na Sudnji dan od strane Poslanika, *sallallahu alejhi we sellem*.

## ➤ **Povezanost imena i intencija:**

Sura upozorava na Sudnji dan i naziv po melecima koji čupaju duše nevjernika je potpuno podudaran sa intencijama.

# 80. Sura Abese

## ➤ **Imena sure:**

**Abese** - namrštio se, jer počinje ovim glagolom

## ➤ **Intencije sure:**

**Glavna intencija sure:** suština Kur'anske misije i počasti onih koji se okite njome i poniženje onih koji se okrenu od nje, te ispravno poimanje vrijednosti i prioriteta kod daije.

## ➤ **Teme sure:**

Suru dijelimo u 3 cjeline:

1. Uvod u kojem Uzvišeni govori o prijekoru Poslanika, sallallahu alejhu we sellem, u događaju sa Abdullah ibn Ummi Mektumom, radijallahu anhu.
2. Veličina Kur'ana i počasti onih koji se okite slijeđenjem Kur'ana, zatim propast onih koji se okrenu od Kur'ana uz spomen jasnih dokaza jednoće Onoga koji obavljuje Kur'an i istinitosti Sudnjeg dana.
3. Zaključak u kojem Allah spominje strahote Sudnjeg dana.

## ➤ **Povezanost početka i kraja sure:**

Sura počinje podsticajem na da'wu, i da ona daje plodove ondje gdje Allah hoće, ne gdje se daija nada. Sura završava konačnicom onih koji prihvate da'wu i konačnicom onih koji se okrenu od nje.

## ➤ **Povezanost imena i intencije sure:**

Događaj u kojem se Poslanik, sallallahu alejhi we sellem, okrenuo od ibn Ummi Mektuma u želji da velikani kurejšija prime islam, i Allahove smjernice koje spominje u suri kao osvrt na dati događaj sadrže intenciju ove sure, te je događaj sažet u samo jednom glagolu kao ime sure "Abese".

# 81. Et-Tekwir

## ➤ **Imena sure:**

**Et-Tekwir** - umotavanje, jer Allah opisuje umotavanje Sunca na početku sure.

## ➤ **Intencije sure:**

**Glavna intencija sure:** brza promjena svemira kao znak početka Sudnjeg dana.

## ➤ **Teme sure:**

Suru dijelimo u 3 cjeline:

1. Uvod u kojem Uzvišeni spominje 12 priloških odredbi za vrijeme koje ukazuju na brzinu uništenja koje će uslijediti na Sudnjem danu.
2. Zakletva svemirskim fenomenima i njihovom harmonijom i ravnotežom kao potvrda istinitosti Objave i Poslanika, sallallahu alejhi we sellem.
3. Zaključak koji potvrđuje prethodno.

## ➤ **Povezanost početka i kraja sure:**

Sura počinje brzinom propasti univerzuma, a završava se potvrdom apsolutne Allahove volje i htjenja.

## ➤ **Povezanost imena i intencije sure:**

Sura govori o propasti univerzuma, pa nosi naziv po skupljanju Sunca i gubljenju sjaja, ili zato što je ovo prvi događaj nestanka harmonije univerzuma, ili jer je najveći, ili oboje.

## 82. Sura Elinfitar

### ➤ **Imena sure:**

**Elinfitar** - pucanje i otvaranje, jer govori o pucanju neba na Sudnjem danu na početku sure.

### ➤ **Intencije sure:**

**Glavna intencija sure:** zastrašivanje "Danom obračuna".

### ➤ **Teme sure:**

Suru dijelimo u 3 cjeline:

1. Uvod u kojem Uzvišeni zastrašuje Sudnjim danom.
2. Prijekor poricatelja uz pojašnjenje konačnice vjernika i nevjernika na Danu obračuna.
3. Zaključak koji potvrđuje prethodno.

### ➤ **Povezanost početka i kraja sure:**

Sura počinje sa 4 priloške odredbe za vrijeme radi zastrašivanja Sudnjim danom, a završava potvrdom date intencije.

### ➤ **Povezanost imena sure i intencija:**

Naziv "Pucanje i otvaranje" se potpuno uklapa u intencije.

# 83. Sura El-Mutaffifin

## ➤ **Imena sure:**

**El-Mutaffifin** - oni koji zakidaju

**Wejlun lilmutaffifin** - teško se onima koji zakidaju, jer počinje ovom rečenicom.

## ➤ **Intencije sure:**

**Glavna intencija sure:** upozoravanje na Allahov mizan pravde na Sudnjem danu kojeg poriču oni koji zakidaju u mizanu (mjeranju) na dunjaluku.

## ➤ **Teme sure:**

Suru dijelimo u 3 cjeline:

1. Uvod u kojem Uzvišeni upozorava one koji zakidaju prilikom mjerenja na dunjaluku time da će biti proživljeni i obračunavani na Sudnjem danu, danu apsolutne pravde.
2. Nagrada dobrih robova i kazna loših.
3. Zaključak koji potvrđuje prethodno.

## ➤ **Povezanost početka i kraja sure:**

Sura počinje pojašnjenjem da je ono što je natjeralo nevjernike da zakidaju na mizanu njihovo nevjerstvo u pogledu Sudnjeg dana, dana pravednih mizana. Sura završava podsmijavanjem vjernika nevjernicima kao vid uspostavljanja pravde na Sudnjem danu, jer su se nevjernici podsmijavali njima na dunjaluku.

## ➤ **Povezanost imena i intencija:**

Sura upozorava na zakidanje i poricanje Sudnjeg dana, dana potpune pravde, pa nosi ime po onima koji objedinjuju oba ova šerra.

# 84. Sura Elinšiqaq

## ➤ **Imena sure:**

**Elinšiqaq** - rascjepljenje, jer počinje rascjepljenjem neba u prvom ajetu.

## ➤ **Intencije sure:**

**Glavna intencija sure:** povinovanje nebesa, Zemlje i ljudi Allahovoj naredbi na Sudnjem danu.

## ➤ **Teme sure:**

Suru dijelimo u 3 cjeline:

1. Uvod u kojem Uzvišeni spominje povinovanje nebesa i Zemlje Allahovoj naredbi.
2. Povinovanje insana Allahovoj naredbi uz potvrdu spominjanjem povinovanja kosmičkih, dunjalučkih dokaza Allahovoj naredbi.
3. Zaključak koji potvrđuje prethodno.

## ➤ **Povezanost početka i kraja sure:**

Sura počinje povinovanjem stvorenja Allahovoj naredbi na Sudnjem danu, a završava konačnicom vjernika i nevjernika kao potvrda povinovanja Allahovoj naredbi.

## ➤ **Povezanost imena i intencije sure:**

Povinovanje ovog prelijepog i grandioznog zdanja, kakvo je nebo, Allahovoj naredbi ukazuje da su ljudi još preči da se povinuju, te se naziv sure potpuno uklapa u intencije, a Allah najbolje zna.

# 85. Sura El-Burudž

## ➤ **Imena sure:**

**El-Burudž** - položaji nebeskih tijela, jer se Allah zaklinje nebom koji sadrži položaje nebeskih tijela.

## ➤ **Intencije sure:**

**Glavna intencija sure:** potvrda Allahove moći i prijetnja žestokom kaznom onima koji žele vjericima nanijeti zlo.

## ➤ **Teme sure:**

Suru dijelimo u 3 cjeline:

1. Uvod u kojem Uzvišeni zakletvama potvrđuje Njegovu osvetu koja će sigurno snaći zulumčare.
2. Konačnica nevjernika, zulumčara prema vjericima i konačnica vjernika.
3. Zaključak kao potvrda prethodnog uz spomen dva primjera onih koji su doživeli Allahovu kaznu: Faraona i Semuda.

## ➤ **Povezanost početka i kraja sure:**

Sura počinje potvrdom Allahove moći, a završava potvrdom sveobuhvatnog Allahovog znanja.

## ➤ **Povezanost imena i intencija:**

El-Burudž (položaji nebeskih tijela) ukazuje da je Allah, njihov stvoritelj, svjedok onoga što se dešava u Njegovom svemiru, u šta ulazi i spletko nevjernika i njihov zulum, te da će ih Onaj koji je kadar stvoriti svemir sa ovakvim karakteristikama kazniti žestokom kaznom. Sa druge strane, el-burudž ukazuje na visoke doredže koje očekuju vjernike na Sudnjem danu, pa sura nosi naziv El-Burudž.



# 86. Et-Tariq

## ➤ **Imena sure:**

**Et-Tariq** - blistava zvijezda, jer se Allah zaklinje njom na početku sure.

## ➤ **Intencije sure:**

**Glavna intencija sure:** potvrda Allahovog nadzora i apsolutne moći kroz prizmu stvaranja čovjeka i kosmičkih dokaza.

## ➤ **Teme sure:**

Suru dijelimo u 3 cjeline:

1. Uvod u kojem se Uzvišeni zaklinje Svojim čuvanjem nebesa i zvijezda da su djela robova sačuvana i zabilježena i da ih očekuje obračun za učinjeno.
2. Allahovo apsolutno znanje i moć kroz prizmu stvaranja čovjeka.
3. Zaključak koji potvrđuje prethodno.

## ➤ **Povezanost početka i kraja sure:**

Sura počinje zakletvom nebesima i Et-Tariqom da su djela robova sačuvana i da će biti obračunati, a završava potvrdom potpunog Allahovog znanja, u šta ulaze i spletke nevjernika i bit će nagrađeni na Sudnjem danu shodno djelima koja su radili.

## ➤ **Povezanost imena i intencije sure:**

Stvoritelj zvijezde, kakva je Et-Tariq, mora biti Onaj koji ima apsolutno znanje i moć, te sura nosi ime po ovoj zvijezdi.

# 87. Sura El-E'ala

## ➤ **Imena sure:**

**El-E'ala** - Najuzvišeniji, jer spominje ovo svojstvo Uzvišenog.

## ➤ **Intencije sure:**

**Glavna intencija sure:** podsjećanje vjernika na ahiret

## ➤ **Teme sure:**

Suru dijelimo u 3 cjeline:

1. Uvod u kojem Najuzvišeniji potvrđuje Njegovo svojstvo apsolutne moći kroz kosmičke dokaze.
2. Potvrda Allahove moći kroz Kur'anske dokaze.
3. Zaključak koji potvrđuje prethodno.

## ➤ **Povezanost početka i kraja sure:**

Sura počinje potvrdom Allahove jednoće kosmičkim dokazima, a završava Kur'anskim i dokazima prijašnjim objava da je Allah jedini koji se obožava i kome se usmjeravaju ibadeti.

## ➤ **Povezanost imena sure i intencija:**

Sura poziva na davanje predosti ahiretu nad dunjalukom, gornjem nad donjim životom, i poziva na potvrdu teuhida Najuzvišenijeg, pa sura nosi naziv po superlativu El-E'ala.

# 88. El-Gašijeh

## ➤ **Imena sure:**

**El-Gašijeh** - Ona koja prekriva i obuhvata, jer govori o Sudnjem danu, od čijih je imena El-Gašijeh.

## ➤ **Intencije sure:**

**Glavna intencija sure:** strahote Sudnjeg dana koje će obuhvatiti i prekriti ljude.

## ➤ **Teme sure:**

Suru dijelimo u 3 cjeline:

1. Uvod u kojem Allah spominje strašne prizore Sudnjeg dana, koji će prekriti ljude.
2. Racionalni dokazi potvrde proživljenja.
3. Zaključak koji pojašnjava da je obaveza Poslanika, sallallahu alejhi we sellem, dostavljanje objave, a na Allahu je da svede obračun.

## ➤ **Povezanost početka i kraja sure:**

Sura počinje zastrašivanjem Sudnjim danom, i završava istom intencijom prijetnjom nevjernicima da ih čeka najveća kazna.

## ➤ **Povezanost imena sure i intencija:**

Sura govori o strahotama koje će prekriti ljude na Sudnjem danu, pa nosi naziv po imenu Sudnjeg dana koje se uklapa sa tematikom.

# 89. Sura El-Fedžr

## ➤ **Imena sure:**

**El-Fedžr** - zora, jer se Allah zaklinje zorom na početku sure.

## ➤ **Intencije sure:**

**Glavna intencija sure:** poziv u korišćenje vremena, a posebno vremena u kojima je bereket za pripremanje dobrim djemima za susret sa Allahom.

## ➤ **Teme sure:**

Suru dijelimo u 3 cjeline:

1. Uvod u kojem se Uzvišeni kune vremenima u kojima je spustio bereket, a cilj zakletve je potvrda Sudnjeg dana.
2. Konačnica poricatelja uz smjernice iz njihovih kazivanja.
3. Zaključak koji potvrđuje prethodno.

## ➤ **Povezanost početka i kraja sure:**

Sura počinje zakletvom vremenima koja u sebi nose bereket kako bi se vjernici u njima posvetili dobrim djelima radi susreta sa Uzvišenim Allahom, a završava spominjanjem onih koji su iskoristili priliku i sreli njihovog Gospodara, On zadovoljan njima i oni Njime.

## ➤ **Povezanost imena i intencije sure:**

Sura sadrži potvrdu Sudnjeg dana u sebi, a zora je kao novo proživljenje nakon smrti i nova šansa da čovjek iskoristi ovo bereketno vrijeme za pripremu za susret sa Uzvišenim, pa sura nosi naziv po zori.

## 90. Sura El-Beled

### ➤ **Imena sure:**

**El-Beled** - grad (Mekka), jer se Allah zaklinje Mekkom na početku sure.

### ➤ **Intencije sure:**

**Glavna intencija sure:** izlazak iz poteškoća i zamora dunjaluka u vječni rahatluk na ahiretu slijeđenjem Objave koja se objavljuje Poslaniku, sallallahu alejhi we sellem, u svetom gradu.

### ➤ **Teme sure:**

Suru dijelimo u 3 cjeline:

1. Uvod u kojem se Uzvišeni zaklinje svetim gradom, gradom teških okolnosti koji uprkos njima biva centar objave, na činjenicu da je dunjaluk napor i zamor.
2. Hal većine ljudi na dunjaluku uz poziv na činjenje dobrih djela.
3. Zaključak koji potvrđuje prethodno.

### ➤ **Povezanost početka i kraja sure:**

Sura počinje pozivom na izlazak iz poteškoća i zamora na dunjaluku slijeđenjem Objave, završava se stanjem nevjernika, poricatelja Objave, koji će ostati u vječnom zamoru i poteškoćama i nakon dunjaluka.

### ➤ **Povezanost imena sure i intencija:**

Mekka je predio izuzetne toplote i malih životnih resursa od vode, flore i faune. Uprkos tome, ona je centar života duše i srca - Objave. Upravo u ovom gradu je počela objava koja oslobađa ljude od napora i poteškoća na dunjaluku i daje smjernice za vječni život u rahatluku, pa sura nosi ime po gradu (Mekki).

# 91. Sura Eš-Šems

## ➤ **Imena sure:**

**Eš-Šems** - Sunce, jer se Allah zaklinje njime na početku sure.

## ➤ **Intencije sure:**

**Glavna intencija sure:** čišćenje duše slijeđenjem objave Stvoritelja Sunca, Mjeseca, dana i noći.

## ➤ **Teme sure:**

Suru dijelimo u 2 cjeline:

1. Zakletva 11 puta da je uspio onaj koji očisti dušu objavom, a da je propao onaj koji je isprlja nevjerstvom.
2. Potvrda prethodnog kazivanjem o narodu Semud, koji je isprljao dušu nevjerstvom i dočekaob kobnu kaznu.

## ➤ **Povezanost početka i kraja sure:**

Sura počinje opisom Allahove apsolutne moći, a završava istom intencijom, jer se On je boji posljedica kazne koje pošalje nevjerničkom narodu.

## ➤ **Povezanost imena i intencije sure:**

Sura poziva u čišćenje duše slijeđenjem objave i vjerovanjem u Allaha, na čiju jednoću ukazuju kosmička tijela i pojave od kojih je najupečatljivije Sunce, po kojem sura dobija naziv. Uz to, Objava ukazuje na svjetlo koje čisti dušu od tmina, kao što Sunce obasjava tmine.

# 92. Sura El-Lejl

## ➤ **Imena sure:**

**El-Lejl** - noć, jer se Allah zaklinje njom na početku sure.

## ➤ **Intencije sure:**

**Glavna intencija sure:** kao što Allah poznaje skrivene tajne kosmosa i nebeskih pojava, poznaje i djela Njegovih robova shodno kojima će ih nagraditi na Sudnjem danu.

## ➤ **Teme sure:**

Suri dijelimo u 2 cjeline:

1. Zakletve kojima Allah potvrđuje Njegovo apsolutno znanje djela robova i Njegovu apsolutnu pravdu na Sudnjem danu kada će slijediti obračun za djela.
2. Potvrda prethodnog spominjanjem konačnice onih koji poriču i glave okreću, i konačnice onih koji vjeruju i bogobožni su.

## ➤ **Povezanost početka i kraja sure:**

Sura počinje potvrdom potpunog Allahovog znanja o djelima robova a završava potvrdom Allahovog znanja o jednom od dva uvjeta ispravnosti djela robova koji je skriven od ostalih ljudi, a to je nijet. (Drugi uvjet je da djelo bude po sunnetu Allahovog Poslanika, sallallahu alejhi we sellem).

## ➤ **Povezanost imena i intencije:**

Sura govori o onome što ljudi skrivaju, a Allah potpuno zna, pa se simbolika noći potpuno uklapa u tematiku sure.

# 93. Sura Ed-Duha

## ➤ **Imena sure:**

**Ed-Duha** - jutro, jer se Allah zaklinje njime na početku sure.

## ➤ **Intencije sure:**

**Glavna intencija sure:** Allahovo čuvanje Poslanika, sallallahu alejhi we sellem, na dunjaluku i ahiretu.

## ➤ **Povezanost imena i intencija:**

Jutro ukazuje na početak, svjetlost i smiraj. Sura je objavljena na početku misije Islama, govori o svjetlu Objave i smiraju za Poslanika, sallallahu alejhi we sellem, pa sura nosi ime po jutru.

(Kratkoća ove i sledećih sura je od stilistike Kur'ana gdje je mu'džiza i u dugim i u kratkim surama. Kraće sure su stilistički uvezane u jednu tematiku uglavnom i zato nećemo razlagati teme sura i povezanost početka i kraja u nastavku već ćemo se zadovoljiti glavnom intencijom za koju su povezani svi ajeti sure.)



# 94. Sura Eš-Šerh

## ➤ **Imena sure:**

**Eš-Šerh** - učiniti prostranim, lahkim, jer Allah spominje rahatluk u prsima Poslanika, sallallahu alejhi we sellem.

## ➤ **Intencije sure:**

**Glavna intencija sure:** Olakšanje tereta objave Poslaniku, sallallahu alejhi we sellem.

## ➤ **Povezanost imena i intencije:**

Pošto sura daje olakšanje Poslaniku, sallallahu alejhi we sellem, nosi ime po olakšanju.

# 95. Sura Et-Tin

## ➤ **Imena sure:**

**Et-Tin** - smokva, jer se Allah zaklinje njom na početku sure.

## ➤ **Intencije sure:**

**Glavna intencija sure:** Poziv u slijeđenje objave Onoga koji je najpravedniji sudija, koja je nadahnuta u fitri čovjeka na kojoj je stvoren.

## ➤ **Povezanost imena i intencije:**

Sura počinje zakletvom na smokvu i maslinu (metafora za poznato mjesto gdje rastu - Kuds, gdje je Isa, alejhis selam, primio objavu) i Sinajsku goru, gdje je poslan Musa, alejhis selam, i zatim Makku, gdje je poslan Muhammed, sallallahu alejhi we sellem. Allah se kune ovim mjestima gdje je bila objava da je stvorio čovjeka u fitri. Zatim, Uzvišeni poziva u slijeđenje objave i obožavanje Allaha, koje je u fitri čovjeka. Smokva, kao prva zakletva u suri povezuje intenciju sure u jednu cjelinu, pa sure nosi ime po njoj.

# 96. Sura El-'Aleq

## ➤ **Imena sure:**

**El-'Aleq** - ugrušak krvi, jer Allah spominje osnovu čovjeka od koje je stvoren.

**Iqra' bismi rabbik** - jer počinje ovom rečenicom.

## ➤ **Intencije sure:**

**Glavna intencija sure:** poziv u obožavanje Najplemenitijeg, koji je počastio čovjeka stvaranjem i podučavanjem.

## ➤ **Teme sure:**

Suru dijelimo u 3 cjeline:

1. Uvod u kojem Allah spominje dvije blagodati ljudima: stvaranje i podučavanje.
2. Upozoravanje na poricatelje Allahovih blagodati i nevjernike u Allaha
3. Zaključak koji potvrđuje prethodno.

## ➤ **Povezanost početka i kraja sure:**

Sura počinje približavanjem Allahu, koji stvara i podučava, a završava se naredbom na sedždu i približavanje Allahu.

## ➤ **Povezanost imena i intencije sure:**

Ugrušak je jedna od početnih faza čovjekovog stvaranja. Razvoj od trohe krvi do veličine odraslog čovjeka je potvrda apsolutne Allahove moći i ljepote stvaranja, a sa druge strane, podučavanje čovjeka čitanju i pisanju, a bio je parčence krvi, ukazuje na Allahovo znanje i blagodat podučavanja. Upravo razmišljanje o ovog ugrušku krvi daje plodove potvrde apsolutnih Allahovih savršenih svojstava i da se jedino On obožava zbog ovakvog savršenstva, bez posrednika (kipova), bez partnera, već se približava isključivo samo Njemu. Zato sura nosi ime El-'Aleq.

# 97. Sura El-Qadr

## ➤ **Imena sure:**

**El-Qadr** - noć Qadr, jer sura govori o lejletu'l-Qadr.

## ➤ **Intencije sure:**

**Glavna intencija sure:** Vrijednost noći Qadra (vrijednosti i važnosti) koja je dobila svoju vrijednost zbog objave Kur'ana u njoj.

## ➤ **Povezanost imena i intencije:**

Sura govori o lejletu'l-Qadr, pa nosi naziv po njoj.

# 98. Sura El-Bejjineh

## ➤ **Imena sure:**

**El-Bejjineh** - jasan dokaz, jer je objava jasan dokaz, a govori se o objavi islama u njoj.

**Lem jekunillezine keferu** - jer počinje ovom sintagmom.

**Ehlul-Kitab** - jer govori o ehlul-kitabijama.

**El-Berijjeh** - ljudi, jer se ova riječ javlja u suri.

## ➤ **Intencije sure:**

**Glavna intencija sure:** Uspostava dokaza protiv ljudi slanjem Poslanika, sallallahu alejhi we sellem, i onoga što mu se objavljuje od dokaza (bejjineh)

## ➤ **Teme sure:**

Suru dijelimo u 2 cjeline:

1. Uspostava dokaza protiv jevreja, hrišćana i mušrika slanjem Poslanika, sallallahu alejhi we sellem.
2. Konačnica skupina na Sudnjem danu.

## ➤ **Povezanost imena i intencije:**

Uspostava dokaza protiv ostalih religija je intencija sure, pa nosi naziv El-Bejjineh.

## 99. Sura El-Zelzeleh

### ➤ **Imena sure:**

**Ez-Zelzeleh/Ez-Zilzal** - potres, jer govori o potresu Zemlje na Sudnjem danu.

**Iza zulzilet** - jer počinje ovom sintagmom

### ➤ **Intencije sure:**

**Glavna intencija sure:** Sudnji dan je potres Zemlje i srca ljudi.

### ➤ **Povezanost imena i intencije:**

Sura govori o potresu, pa nosi ime po njemu.

# 100. Sura El-Adijat

## ➤ **Imena sure:**

**El-Adijat** - konji koji trče, jer se njima zaklinje Uzvišeni na početku sure.

## ➤ **Intencije sure:**

Glavna intencija sure: Obaveza korišćenja Allahovih blagodati na Njegovom putu, a ne na putu odvracanja od njega.

## ➤ **Povezanost imena i intencije:**

Sura govori o upotrebi dobara na ispravan način. Konji su blagodat koja biva iskorištena ili na Allahovom putu, ili protiv njega. Uz to, u riječi El-Adijat imamo značenje brzine, kao nagoveštaj brzine dolaska Sudnjeg dana, koji se spominje na kraju sure, za kojeg se treba spremati.

# 101. Sura El-Qariah

## ➤ **Imena sure:**

**El-Qariah** - Ona koja udara, naziv Sudnjeg dana, o kojem govori sura.

## ➤ **Intencije sure:**

**Glavna intencija sure:** Trag udarca Sudnjeg dana na ljude i planine.

## ➤ **Povezanost imena i intencije:**

Sura govori o udarcu Sudnjeg dana, pa sura nosi ime po njemu.



# 102. Et-Tekasur

## ➤ **Imena sure:**

**Et-Tekasur** - gomilanje imetka, jer sura govori o tome.

**Elhakum** - okupira vas, jer sura počinje ovim glagolom.

## ➤ **Intencije sure:**

**Glavna intencija sure:** Upozorenje od gomilanja imetka, koji može biti sebeb zaborava ahireta.

## ➤ **Povezanost imena i intencije sure:**

Sura upozorava na gomilanje imetka i nosi ime po njemu.

# 103. Sura El-'Asr

## ➤ **Imena sure:**

**El-'Asr** - vrijeme, jer se Allah saklinje vremenom.

## ➤ **Intencije sure:**

**Glavna intencija sure:** Iskorištavanje preostalog vremena na dunjaluku za iman i dobra djela uz ispravan menhedž ophođenja prema dunjaluku.

## ➤ **Povezanost imena i intencije:**

Sura govori o bitnosti vremena i njegovog korišćenja u korisnim stvarima, pa nosi ime po vremenu.

# 104. Sura El-Humezeh

## ➤ **Imena sure:**

**El-Humezeh** - oni koji mnogo ogovaraju, jer sura govori o njima

**Wejlun likulli humezeh** - jer počinje ovom rečenicom.

## ➤ **Intencije sure:**

**Glavna intencija sure:** Konačnica onih koji su dozvolili da ih ljubav prema imetku odvede u oholost nad ljudima i poricanje ahireta.

## ➤ **Teme sure:**

Suru dijelimo u 2 cjeline:

1. Pojašnjavanje ko su El-Humezeh i šta ih je učinilo takvim.
2. Konačnica El-Humezeh i El-Lumezeh na Sudnjem danu.

## ➤ **Povezanost imena i intencije sure:**

Sura govori o konačnici onih koji puno ogovaraju ljude, pa nosi ime po njima.

# 105. Sura El-Fil

## ➤ **Imena sure:**

**El-Fil** - slon jer govori o Ebrehinoj vojsci, koja je imala slona po imenu Mahmud.

## ➤ **Intencije sure:**

**Glavna intencija sure:** Poziv u vjerovanje potvrdom Allahove moći da uništi nevjernike.

## ➤ **Povezanost imena i intencije sure:**

Događaj uništenja Ebrehine vojske je dokaz Allahove moći da uništi nevjernike, iz čega proizilazi poziv u vjerovanje u Allaha i slijeđenje onoga koji je rođen u godini slona, sallallahu alejhi we sellem. Zbog toga sura nosi ime El-Fil, a Allah najbolje zna.

# 106. Sura Qurajš

## ➤ **Imena sure:**

**Qurajš** - zbog spominjanja plemena Qurajš u njoj.

**Liilafi qurajš** - jer počinje ovom rečenicom.

## ➤ **Intencije sure:**

**Glavna intencija sure:** Podsjećanje na Allahove blagodati Qurejšijama koje obavezuju obožavanje Onoga koji im je darovao te blagodati.

## ➤ **Povezanost imena i intencije:**

Sura govori o blagodatima plemenu Qurajš, pa nosi ime po njima.

## 107. Sura El-Ma'un

### ➤ **Imena sure:**

**El-Ma'un** - pozajmljene stvari koje ne predstavljaju poteškoću vlasniku ako mu ne budu vraćene. Sura spominje ove stvari.

### ➤ **Intencije sure:**

**Glavna intencija sure:** Iskrivljenje ispravnog društvenog i vjerskog života kod onih koji poriču Dan obračuna.

### ➤ **Povezanost imena i intencije sure:**

Sura govori o opisima onih koji ne vjeruju u ahiret i njihovom izopačenom poimanju života. Od simboličnih opisa ovih ljudi jeste škrtarenje u stvarima u kojima ljudi ne vide problem, kao što su stvari poput neke posude i slično. Zato sura nosi ime po ovom opisu ovih ljudi.

# 108. Sura El-Keuser

## ➤ **Imena sure:**

**El-Keuser** - veliko dobro, jer spominje Allahovu blagodat Poslaniku sallallahu alejhi we sellem.

**En-Nahr** - klanje (kamile), jer spominje o prinošenju žrtve Allahu

## ➤ **Intencije sure:**

Glavna intencija sure: Vrijednost Poslanika sallallahu alejhi we sellem, i ništavnost i gubitak traga onih koji ga vrijeđaju i okreću se od njega.

## ➤ **Povezanost imena i intencije:**

Sura govori o vrijednosti Poslanika, sallallahu alejhi we sellem, kod Allaha i vjernika, kojem je Uzvišeni pripremio veliki hajr sa svih strana, od kojih je i rijeka Keuser u Džennetu. Zato sura nosi ime El-Keuser.

# 109. Sura El-Kafirun

## ➤ Vrijednost sure:

*"Qul ja ejjuh-el-kafirun vrijedi četvrtinu Kur'ana". (Et-Tirmizi)*

## ➤ Imena sure:

**El-Kafirun** - nevjernici, jer sura govori o njima.

## ➤ Intencije sure:

**Glavna intencija sure:** Odricanje od širka

## ➤ Povezanost imena i intencije:

Sura govori o odricanju od širka i njegovih sljedbenika pa nosi ime po njima.



# 110. Sura En-Nasr

## ➤ **Imena sure:**

**En-Nasr** - pomoć, jer govori o Allahovoj pomoći.

**Iza džae nasrullahi wel feth** - jer je ovo prvi ajet sure.

**Et-Teudi'** - oprost, jer je nagovještaj oprosta sa Allahovim Poslanikom, sallallahu alejhi we sellem.

## ➤ **Intencije sure:**

**Glavna intencija sure:** Allahova pomoć je samo za ovu vjeru. U suri je također i nagovještaj smrti Allahovog Poslanika, sallallahu alejhi we sellem.

## ➤ **Povezanost imena i intencije:**

Sura govori o Allahovoj pomoći pa nosi ime po njoj.

# 111. Sura El-Mesed

## ➤ **Imena sure:**

**El-Mesed** - čvrsto uvezano uže, jer spominje kaznu Ebu Lehebove žene.

**Tebbet** - jer počinje ovim glagolom.

## ➤ **Intencije sure:**

**Glavna intencija sure:** Konačnica puna poniženja i žestoke kazne onome koji se bori protiv Allahove vjere.

## ➤ **Povezanost imena sure i intencije:**

Slikoviti prikaz kazne žene Ebu Leheba, koja se zajedno sa Ebu Lehebom borila protiv da'we Allahovog Poslanika, sallallahu alejhi we sellem, ukazuje na poniženje i žestoku kaznu koja očekuje sve one koji budu slijedili njihov primjer. Zato sura nosi ime po vrsti kazne koju su dobili.

# 112. Sura El-Ihlas

## ➤ Vrijednost sure:

*"Tako mi Onoga u čijoj je ruci moja duša, ona uistinu vrijedi trećinu Kur'ana". (El-Buhari)*

## ➤ Imena sure:

**El-Ihlas** - iskrenost, jer govori o iskrenosti ispovedanja Teuhida Allahu.

**Qul huwallahu ehad** - jer počinje ovom rečenicom.

**El-Esas** - temelj, jer je Teuhid temelj vjere.

**Es-Samed** - jer spominje ovo Allahovo ime.

## ➤ Intencije sure:

**Glavna intencija sure:** Teuhid

## ➤ Povezanost imena i intencije:

Teuhid neće biti primljen bez ihlase (iskrenog ispovedanja teuhida bez primjesa širka).

# 113. Sura El-Feleq

## ➤ Vrijednost sure (zajedno sa surom En-Nas):

Kaže Ukbeh ibn Amir, radijallahu anhu: rekao mi je Allahov Poslanik, sallallahu alejhi we sellem: *"uči dvije sure sa euzom (muawwizetan), uistinu nećeš učiti ijednu suru sličnu njima"*. (Ahmed)

## ➤ Imena sure:

**El-Feleq** - jutro, jer se Allah zaklinje jutrom na početku sure.

**Qul e'uzu birabbil'-feleq** - jer počinje ovom rečenicom.

## ➤ Intencije sure:

**Glavna intencija sure:** Traženje utočišta kod Gospodara jutra od tmina šerra stvorenja

## ➤ Povezanost imena i intencije:

Šer stvorenja nosi u sebi simboliku tmina, dok je traženje zaštite kod Allaha, što je vrsta ibadeta, svjetlo, pa sura nosi ime po jutru.

# 114. Sura En-Nas

## ➤ Imena sure:

**En-Nas** - ljudi, jer ih Allah spominje na početku sure.

**Qul e'uzu birabbin-nas** - jer počinje ovom rečenicom.

## ➤ Intencije sure:

Glavna intencija sure: Traženje utočišta kod Allaha od onoga što može pokvariti vjeru čovjeka.

## ➤ Povezanost imena i intencije:

Onaj koji je Gospodar ljudi ih jedini može zaštititi od stranputica u vjeri, pa sura nosi ime po njima aludirajući na prvi ajet sure, a Uzvišeni Allah najbolje zna.

Neka je salawat i selam na Allahovog miljenika Muhammeda,  
njegovu porodicu, ashabe i sve koji ga slijede do Sudnjeg dana.

سبحانك اللهم وبحمدك أشهد أن لا إله إلا أنت أستغفرك وأتوب إليك

# Sadržaj:

1. Sura El Fatiha .....	2
2. Sura El-Beqara .....	4
Vrijednost Ajetu'l-Kursijj .....	6
Vrijednost poslednja dva ajeta sure El-Beqara .....	6
3. Sura Ali Imran .....	7
Vrijednost poslednjih 10 ajeta sure Ali Imran .....	9
4. Sura En-Nisa .....	10
5. Sura El-Maideh .....	12
6. Sura El-En'am .....	14
7. Sura El-A'raf .....	16
8. Sura El-Enfal .....	18
9. Sura Et-Teubeh .....	19
10. Sura Junus .....	21
11. Sura Hud .....	22
12. Sura Jusuf .....	24
13. Sura Er-Ra'd .....	26
14. Sura Ibrahim .....	27
15. Sura El-Hidžr .....	28
16. Sura En-Nahl .....	29
17. Sura El-Isra' .....	30
18. Sura El-Kehf .....	32
19. Sura Merjem .....	34

20. Sura TaHa .....	35
21. Sura El-Enbija' .....	36
22. Sura El-Hadždž .....	37
23. Sura El-Mu'minun .....	38
24. Sura En-Nur .....	39
25. Sura El-Furqan .....	40
26. Sura Eš-Šu'ara' .....	41
27. Sura En-Neml .....	43
28. Sura El-Qasas .....	44
29. Sura El-Ankebut .....	46
30. Sura Er-Rum .....	47
31. Sura Luqman .....	48
32. Sura Es-Sedždeh .....	50
33. Sura El-Ahzab .....	51
34. Sura Sebe' .....	53
35. Sura Fatir .....	54
36. Sura Ja-Sin .....	55
37. Sura Es-Saffat .....	56
38. Sura Sad .....	57
39. Sura Ez-Zumer .....	58
40. Sura Gafir .....	59
41. Sura Fussilet .....	60
42. Sura Eš-Šura .....	62
43. Sura Ez-Zuhruf .....	63

44. Sura Ed-Duhan .....	64
45. Sura El-Džasijeh .....	65
46. Sura El-Ahqaf .....	67
47. Sura Muhammed .....	68
48. Sura El-Feth .....	69
49. Sura El-Hudžurat .....	71
50. Sura Qaf .....	72
51. Sura Ez-Zarijat .....	74
52. Sura Et-Tur .....	75
53. Sura En-Nedžm .....	76
54. Sura El-Qamer .....	77
55. Sura Er-Rahman .....	79
56. Sura El-Waqiah .....	80
57. Sura El-Hadid .....	81
58. Sura El-Mudžadeleh .....	82
59. Sura El-Hašr .....	83
60. El-Mumtehaneh .....	84
61. Sura Es-Saff .....	85
62. Sura El-Džumu'ah .....	86
63. Sura El-Munafiqun .....	87
64. Sura Et-Tegabun .....	88
65. Sura Et-Talaq .....	89
66. Sura Et-Tahrim .....	90
67. Sura El-Mulk .....	91



68. Sura El-Qalem .....	93
69. Sura El-Haqqah .....	95
70. Sura El-Me'aridž .....	96
71. Sura Nuh .....	98
72. Sura El-Džinn .....	99
73. Sura El-Muzzemmil .....	100
74. Sura El-Muddessir .....	101
75. Sura El-Qijameh .....	102
76. Sura El-Insan .....	103
77. Sura El-Murselat .....	104
78. Sura En-Nebe' .....	105
79. Sura En-Nazi'at .....	106
80. Sura Abese .....	107
81. Et-Tekwir .....	108
82. Sura Elinfitar .....	109
83. Sura El-Mutaffifin .....	110
84. Sura Elinšiqaq .....	111
85. Sura El-Burudž .....	112
86. Et-Tariq .....	113
87. Sura El-E'ala .....	114
88. El-Gašijeh .....	115
89. Sura El-Fedžr .....	116
90. Sura El-Beled .....	117
91. Sura Eš-Šems .....	118

92. Sura El-Lejl .....	119
93. Sura Ed-Duha .....	120
94. Sura Eš-Šerh .....	121
95. Sura Et-Tin .....	122
96. Sura El-'Aleq .....	123
97. Sura El-Qadr .....	124
98. Sura El-Bejjineh .....	125
99. Sura El-Zelzeleh .....	126
100. Sura El-Adijat .....	127
101. Sura El-Qariah .....	128
102. Et-Tekasur .....	129
103. Sura El-'Asr .....	130
104. Sura El-Humezeh .....	131
105. Sura El-Fil .....	132
106. Sura Qurajš .....	133
107. Sura El-Ma'un .....	134
108. Sura El-Keuser .....	135
109. Sura El-Kafirun .....	136
110. Sura En-Nasr .....	137
111. Sura El-Mesed .....	138
112. Sura El-Ihlas .....	139
113. Sura El-Feleq .....	140
114. Sura En-Nas .....	141